

*Minister di Defensa
Hulandes:*

**“No tin motibo pa
actualisa e plan di
crisis den luz di e
ultimo desaroyonan”**



Pagina 4

- **Utilities Aruba NV
ta presenta su
plannan pa futuro
di RWZI**

Pagina 3

- **Preparacion
tumando luga
pa campaña
di vacunacion
escolar 2025-
2026**

Pagina 7

- **Mas cu mitar di
e poblacion di
Haiti ta confronta
privacion severo
di cuminda**

Pagina 11

**Tweede Kamer
ta propone
acceptacion di
nacionalidad
multiple den
Reino Hulandes**

**Ministernan
Hulandes y
Sueco ta manda
carta pa EU
pidiendo sancion
pa Israel**



Pagina 9

**Merca: Tiroteo
na scol Catolico
na Minneapolis
ta resulta den
dos mucha
morto y 17 hende
herida**



Pagina 23



Pagina 2

TUI DEALS
AMSTERDAM
BIAHE IDA I BUELTA FOR DI
AWG 1354,-
pa persona
paga tiki tiki
E preis mensioná ta un preis di komienso di un biahe ida i buelta pa
persona eksuyendo gastunan di reservashon, i ta reservá di kambionan
di preis i eronan di imprenta.
Skén e QR-code
pa e oferta aki



Win and
EXPLORE
The World
JULY 1st - AUGUST 30th, 2025
\$50,000 IN TOTAL PRIZES
DRAWINGS EVERY SATURDAY STARTING AT 9:30PM

THE CASINO AT
THE RITZ-CARLTON
ARUBA

Tweede Kamer ta propone aceptacion di nacionalidad multiple den Reino Hulandes

Un nota parlamentario publica siman pasa den respuesta na pregunta di diferente partido politico a reinicia e debate tocante modernisacion di e Ley di Reino riba ciudadanía Hulandes. E propuesta, entrega pa parlamentari-onan Paternotte y Mutluer, tin meta pa haci cambionan amplio na e ley di ciudadanía Hulandes.

Den centro di e discusion tin a abolicion di e obligacion pa renuncia e nacionalidad original di un persona na momento di adkiri nacionalidad Hulandes, como tambe e prevencion di perdida no intencional di nacionalidad Hulandes. E propuesta tambe ta busca pa elimina obligacionnan di tratado cu actualmente ta restringi nacionalidad multiple.

Den un carta, fecha 22 di augustus 2025, ta delinea e argumentonan di e iniciadornan den detaye mientras ta atende preocupacion expresa pa varios partido politico. Den curason di e debate tin pregunta tocante lealtad, integracion, peso administrativo y e valor di nacionalidad Hulandes den un mundo cada bes mas globalisa.

Elimina rekisito di renunciamento

Un di e aspectonan mas significativo di e propuesta ta e eliminacion di e “afstandplicht,” e obligacion di stranheronan cu kier bira Hulandes pa renuncia nan nacionalidad original. E ley actual tambe ta obliga ciudadano Hulandes bibando den exterior pa renuncia nan nacionalidad Hulandes si nan adkiri otro nacionalidad voluntariamente. E iniciadornan di e propuesta ta argumenta cu e reglanan aki hopi biaha ta conduci na situacionnan indeseable, manera hende perdiendo nan nacionalidad Hulandes sin intencion. E cambio proponi lo stop e perdida automatico aki.

Partido BBB a expresa preocupacion fuerte, argumentando cu eliminacion di e obligacion di renuncia ta bay permiti cualkier persona mantene nacionalidad multiple indefinidamente, loke nan ta considera indeseable. Nan a sugeri un compromiso, den cual e nacionalidad Hulandes ta caduca despues di un cantidad stipula di año



si a adkiri otro nacionalidad. E iniciadornan a rechasa e propuesta aki, citando motibonan tanto practico como di principio. Nan a nota cu anteriormente Ombudsman a haya cu mal comunicacion di gobierno a resulta den hopi ciudadano Hulandes den exterior perdiendo nan nacionalidad sin cu nan a realisa esaki. E iniciadornan a argumenta cu lealtad y identidad no ta reduci door di nacionalidad multiple y cu cualkier forma di rekisito di renunciamento ta keda problematico.

Lealtad y integracion

E discusion tocante lealtad ta den henter e documento. VVD y BBB ta preocupa cu nacionalidadnan multiple por mina e sentido di pertenece y ta leal na Hulanda.

Nan ta teme cu hende por tin derecho di voto na varios pais sin laso significativo, y cu immigrantenan por integra menos completamente si no ta rekeri nan pa renuncia nan nacionalidad original.

E iniciadornan di nan banda a punta riba investigacion, incluyendo estudio di Wetschappelijke Raad voor Regeringsbeleid (WRR), must-rando cu nacionalidad multiple no ta debilita lealtad. Al contrario, nan ta argumenta, por reforsa integracion ora hende no mester entrega nan nacionalidad original. Hende cu dobel nacionalidad hopi biaha ta sinti mas na cas na Hulanda, ta siña e idioma mas lihe y tin mayor probabilidad di participa den sociedad. E iniciadornan ta describi e rekisito di renunciamento como restricción riba integracion en bes di sosten pa esaki.

ChristenUnie a duna otro forma na e debate, enfatisando cu ciudadanía Hulandes ta inclui no solamente e derecho, pero tambe e obligacionnan dentro di un co-

munidad di balornan. Nan ta preocupa tocante tension potencial ora hende tin nacionalidad di paisnan cu balornan fundamentalmente diferente.

E iniciadornan a reconoce e importancia di balornan, pero a resalta cu e procedura di ‘inburgering’ ya ta segura cu e ciudadanonan Hulandes nobo ta adopta balornan central di sociedad Hulandes. Nan a argumenta cu identidad Hulandes no ta limita na residencia dentro di Hulanda, citando ehempel di Hulandesnan den exterior cu ta keda profundamente conecta na e nacion.

Tratado internacional y Convencion Strasbourg

Otro problema mayor expresa den e nota ta trata obligacionnan internacional. E propuesta ta sugeri retiro for di Capitulo I di e Convencion Strasbourg di 1963, cu ta limita nacionalidad multiple, y for di su di Dos Protocol. Actualmente, solamente Hulanda y Austria ta keda mara pa Capitulo I di e tratado, y solamente Hulanda y Italia pa e di Dos Protocol. E iniciadornan ta argumenta cu sali di e tratado lo elimina restricciónnan innecesario y trece ley Hulandes den linea cu practicanan di mayoria di estado Europeo. Nan ta splica cu hopi pais Europeo ya a bandona e regla di un solo nacionalidad y ta permiti ciudadanía multiple, cu Alemania cambiando su ley recientemente den e aspecto aki.

Segun e iniciadornan, elimina e obligacionnan di tratado aki lo tin efecto principal riba ciudadano Hulandes cu ta adkiri nacionalidad Austriaco of Italiano. Bao di e sistema actual, e individuonan aki ta perde nan nacionalidad Hulandes automaticamente. Si sali di e tratado, nan lo por keda cu tur dos nacionalidad.

Costo administrativo y consecuencia practico

E consecuencia financiero y administrativo di e cambio proponi tambe ta considera den detaye. Door di elimina e obligacion pa renuncia otro nacionalidad, Servicio di Inmigracion y Naturalisacion (IND) no lo mester conduci practica di retiro of evaluacion di proporcionalidad mas. Esaki lo spaar aproximadamente 908.600 euro anualmente, ekivalente na 12 posicion full-time.

Sinembargo, e cambio por conduci na un aumento den solicitud di naturalisacion. Basa riba calculacionnan anterior, un aumento di 3 por ciento (alrededor di mil solicitud adicional anualmente) lo costa 420mil euro. E iniciadornan a conclui cu ta spaar mas di loke e costo adicional lo bira.

IND tambe lo evita casonan complica y hopi biaha doloroso den cual ciudadanonan Hulandes ta perde nan nacionalidad sin intencion. E situacionnan aki a genera desatisfaccion y critica amplio, incluyendo for di Ombudsman. E iniciadornan ta argumenta cu preveni perdidan asina no solamente ta reduci burocracia sino tambe ta protege derecho di ciudadanonan.

Recuperando nacionalidad Hulandes

E nota ta resalta e opcion nobo den procedura introduci pa ex-ciudadano Hulandes. Actualmente, recupera nacionalidad Hulandes despues di a perd’e imboluntariamente ta extremadamente dificil. E veredicto Tjebbes di Corte Europeo di Husticia na 2019 tabata rekeri chequeo di proporcionalidad ora ta perde un nacionalidad Europeo, pero den practica, apenas un man yen di hende a recupera nan nacionalidad Hulandes exitosamente bao di e reglanan aki. Na 2022, apenas 4 por ciento di alrededor di 750 solicitud tabata exitoso.

E procedura nobo lo simplifica e proceso door di permiti ex-ciudadano Hulandes, sea ta biba na Hulanda of den exterior, pa aplica pa reinstalacion directamente na municipalidad y puesto diplomatico. Esaki, segun e iniciadornan, lo aline a ley Hulandes cu e principio di un estado legal responsivo y reforsa su laso-

nan cu hende Hulandes rond mundo.

Perspectiva politico

Diferente partido den Tweede Kamer a responde di maneranan hopi diferente. VVD y BBB a enfatisa e riesgo di lealtad debilita, multiple derecho di voto, y aplicacionnan masivo.

ChristenUnie a subraya e importancia di un ciudadanía basa riba obligacion y balornan.

CDA a trece pregunta tocante estadistica, e cantidad di hende cu a perde nacionalidad, con ta provee informacion. Nan tambe a puntra con hopi hende ta recupera nan nacionalidad cada año, cual e iniciadornan a splica cu e cifranan ta limita y e proceduranan ta restrictivo.

Volt a muestra sosten fuerte pa e propuesta, elogiando e pa reconoce identidad multiple den un sociedad globalisa, y mirando e como reflejo di diversidad cultural.

SP a enfoca riba e implicacionnan di sali di e Convencion Strasbourg y a puntra tocante comparacionnan internacional. E iniciadornan a responde cu maske no tin evaluacion recien, hopi pais Europeo ya a adopta nacionalidad multiple.

Implicacion amplio

E iniciadornan ta argumenta cu reforma ley di nacionalidad no ta bay solamente tocante derecho individual sino e interesnan colectivo di Hulanda. Perdida automatico di nacionalidad ta kibra laso cu hende cu por retene conexionnan social, cultural of economico fuerte cu Hulanda. Esaki ta dañino no solo pa e individuonan aki pero ta priva e pais di red y experticio internacional valioso. Nan ta nota cu ex-ciudadano Hulandes cu kier bolbe Hulanda ta enfrenta obstaculo innecesario, mientras e sistema actual tambe ta limita e habilidad di e estado pa duna asistencia consular na ciudadano Hulandes den exterior.

Den nan opinion, e propuesta lo reverti e efectonan negativo aki door di permiti nacionalidad multiple, simplificando procesonan administrativo, y preservando conexion cu ciudadano Hulandes rond mundo.

Utilities Aruba NV ta presenta su plannan pa futuro di RWZI

Durante un conferencia di prensa ayera mainta Joseph Everon, director interino di Utilities Aruba NV, a duna un splicacion amplio riba e situacion actual y e pasonan pa futuro di e compania. Un di e topiconan cu el a trece dilanti ta e maneho di e compania AWSS (Aruba Wastewater Sustainable Solutions) cu ta encarga cu e maneho di RWZI.

Manera ta conoci dia 1 di juli 2024 Parlamento di Aruba aproba e ley cu a haci posibel cu a transferi e maneho operacional di RWZI for di DOW pa AWSS. Everon a splica cu loke nan a tuma over ta e full e riooleringstelsel, e operacion y mantencion di esaki, nan a tuma over e tres plantanan cu ta procesa awa preto y a tuma over e incinerator na Parkietenbos caminda desperdicio medico y otro desperdicio ta ser kima.

El a indica cu ainda nan ta den proceso pa traspasa e ekiponan tambe, cual mester tuma luga via un landsbesluit.

El a splica cu na momento cu nan a tuma over e plantanan, esakinan tabatin nan “edad” caba. El a remarca cu den tecnologia pa plantanan robusto si tin un operacion y mantencion apropiada y un actualisacion na tempo y cu plannan structural, tecnicamente e plantanan por “biba” mas largo.

El a sigui splica cu hopi di nan no tabata yega nan capacidad di operacion. Awor nan a haya un team di persona cu ta motiva cu lo haci tur cos posibel pa tin e plantanan operacional. “Den prome bista local no tabatin ta recurso, recurso tabata limita, ni un maneho structural y dirigi,” el a subraya.

Everon a indica cu un parti hopi importante tambe ta assets management, cual ta e maneho di structura con ta bay purba mantene e condicion di cada ekipo manera cu e la ser diseña.

Everon y su ekipo a ser apun-ta dia 18 di juni y el a splica cu nan a tuma nan tempo pa dilanti cu nan plannan y informacion pasobra nan tabata kier a haci un evaluacion prome pa asina na por sa kico ta e condicionnan cu tin y con ta bay atende cu esaki.

El a splica cu nan a haci eval-



uacion riba tur planta y ekipo y hasta e parti organisatorio. El a indica cu nan a desaroya, y ta sigui desaroya, pasobra e ta un proceso continuo, un programa pa maneho e planta y ekiponan, e assets management program. El a splica cu e programa cay ta practicamente un plan tocante con nan ta bay hiba e plantanan existente cu nan a haci inversion den dje caba na nan maximo capacidad.

El a splica cu esey ta bin door di renobacion y rehabilitacion, y tambe expansion caminda mester haci esaki. Ademá di esaki tambe e ta contene un actualisacion di e sistemanan tanto den e plantanan y e stacionnan di pomp rond di e isla y tambe pa por provee un bon servicio na comunidad pa loke ta trata e maneho di awa preto.

Everon a sigui splica cu nan lo mehora tambe e producto final pa re-usa e awa mester enfoca riba calidad di awa. El a indica cu nan ta bay implementa procesonan pa mehora e calidad di awa pa asina reduci e impacto riba medio ambiente y ecosistema.

Apart di esaki, el a agrega otro parti hopi importante ta pa mehora e infraestructura y facilidadnan pa e personal.

Den e parti organisatorio Everon a indica cu mester mehora e programa di operacion y mantencion pa asina sigura cu e sistema di operacion ta na luga pa un bon operacion,

pero tambe pa un bon mantencion. El a remarca cu ta importante pa sigura cu nan empleadonan ta comprende e filosofia aki y alabes mester duna nan e recursonan pa por cana e programa aki.

El a enfatisa cu otro punto di importancia, specialmente den e situacion cu nan ta trahando ta salud y seguridad (health & safety). El a indica cu proceduranan y regulacionnan ta hopi importante, sobretodo e regulacionnan y hunto cu e stakeholdernan nan lo traha pa yega na esaki.

Everon a splica cu nan ta trahando riba un business continuity plan, cu ta delinea kico mester haci na momento cu tin calamidad of black out. El a recorda con algun luna pasa ora cu tabatin e blackout general na Aruba, awa preto a bin ariba. El a indica cu e tipo di situacionnan ey mester ser solucionado door di tin un plan di contingencia na luga pa ora cu tin por ehempel un blackout, tin proceso cla di con mester reacciona pa preveni e tipo di cosnan asina sucede atrobe.

“Mester structura e manera di traha den compania tanto den e parti di operacion y mantencion como tambe den e parti di administracion. Mester tin un proceso bon delinea. Hopi importante pa nos empleadonan ta training y desaroyo pa tin personal capacita cu ta haci e trabou y cu tin tur ekipo pa haci esaki,” el a subraya.

Pa traha riba mehoracion di e calidad di awa, Everon a splica cu a cuminsa cu un campaña di midi mas e calidad di awa, pero tambe otro aspectonan cu mester midi pa sa con e maneho ta y unda mester mehora. El a indica cu unda cu mester nan lo zorg pa tin un contract cu laboratorionan tanto internacional como local cu por duna e servicio pasobra calidad di awa ta importante.

Tocante e awa cu ta sali di Bubali Plas cu ta bay lama, el a indica cu nan ta bay implementa un team cu lo traha riba e aspecto aki, especificamente ora ta trata di habri y cera e candal cu tin pa laga e awe sali. El a splica cu ta nan ta bay bin cu un protocol con y ki ora e candal aki por ser habri, sigurando alabes cu e calidad di awa tama ta dentro di parametronan cu no ta dañino pa salud ni medio ambiente. Pa cu esaki nan lo bin cu un proyecto hunto cu DOW y parke pa implementa e protocol pa e candal.

Everon a agrega cu na tur planta di RWZI nan ta bay haci un evaluacion di impacto riba medio ambiente (environmental impact assessment) caminda nan ta bay haci estudionan pa cumpli cu tur e normanan di medio ambiente. Ademá nan lo realiza un nulmeting y for di esey ta bay tin mehoracion unda cu mester pa cuida e medio ambiente.

El a informa cu ya caba e ekiponan di midimento a yega y e ekiponan aki ta bay midi e calidad di aire rond di e plantanan pa 24/7 pa asina haya sa ki efectonan e plantanan por tin riba medio ambiente pa minimalisa of keda den e normanan cu ta estableci.

Everon a indica cu e situacion na Bubali ta critico. Segun el a splica niun di e ekiponan ta trahando. Pero esaki, el a señala, no por verwacht nada otro si no tabatin e recursonan necesario pa e planta duna su fruto.

El a splica cu tin un sistema di un contrato cu nan a hereda cu a ser instala sin un diseño apropiada. El a indica cu ta trata di un contrato caminda ekipo a ser entrega pero no a haci esaki a base di un diseño ni tecnologia cu ta pas cu e planta ey.

Everon a remarca cu a pesar di tur rapport cu a duna conseho negativo, e sistema a ser cumpra y a ser instala. Den luna di september e compania encarga ta bay tin e test di productividad. El a splica cu nan mester laga e compania haci e test, pero mientras tanto nan ta pensando riba un plan B.

Otro parti importante cu Everon a trece dilanti ta e maneho di sludge. El a splica cu tur dia tin 6 pa 10 truck ta core pa Parkietenbos cu sludge, di cual mayoria di dje ta awa. El a indica cu nan lo bin cu un proceso bon tocante con ta bay maneha sludge pa asina no mester di tanto truck pa bay Parkietenbos.

Pronto nan lo cuminsa cu e ehecucion di e plan aki caminda cada planta lo tin su sistema pa maneha sludge cu ta permiti pa maneha sludge na un manera responsabel, cu ta bon pa medio ambiente y caminda practicamente e residuo minimal ta ser transporta pa Parkietenbos.

Por ultimo, pa loke ta e sistema di rioolering y pompstacionnan, el a splica cu hunto cu e team nan ta bay haci inspeccionnan pa actualisa e programa caminda ta identifica unda e liñanan di e sistema ta core y e condicion di e tur ekiponan instala pa asina por bisa cuanto e inversion lo ta y kico ta bay costa nan pa e mantencion of pa trece e sistema di rioolering na e nivel cu e mester ta.

Segun Minister di Defensa Hulandes:

“No tin motibo pa actualisa e plan di crisis den luz di e ultimo desaroyonan”



Manera ta conoci recientemente Merca a manda algun barco naval pa territorio di Caribe pa combati narcotrafico. Esaki a crea un tension grandi, specialmente entre Merca y Venezuela cual a trece preocupacion pa islanan Aruba, Boneiro y Corsou. Relaciona cu esaki Minister di Defensa y Asuntonan Exterior Hulandes, Ruben Brekelmans, a contesta algun pregunta cu el a ricibi di parlamentari- onan di Tweede Kamer a relaciona cu e situacion aki.

Den su respuestanan e mandatarario a splica cu e Gabinete ta na altura di e presencia di barconan naval di Merca den Caribe. El a indica cu esaki ta un despliegue dirigi naciona-

lmente door di Merca, pues Reino no ta involvi den e despliegue.

El a sigui splica cu segun medionan Mericano, e barconan naval ta ser desplega pa intensifica operacionnan contra narcotrafico den e area, enfocando riba cartelnan di droga Sur Americano, y lo opera den awanan internacional y espacio aereo. Alabes el a sigura cu e Ministerio di Defensa y e Ministerio di Asuntonan Exterior ta den contacto cu Merca actualmente.

Minister Brekelmans a splica cu Merca ta un di e partnernan mas importante di Reino den operacionnan contra droga. Sinembargo, el a señala, e despliegue anuncia aki ta ser dirigi nacionalmente pa Merca, pues Reino no ta involvi.

Pa loke ta trata si e despliegue ta afecta e Cooperative Security Location Aruba-Curaçao (antes FOL), e mandatarario a indica cu e despliegue ta afecta e Cooperative Security Location si e ta encera despliegue den e espacio aereo riba Corsou.

El a sigui splica cu a haci acuerdonan riba e asunto aki den e Tratado di Coopera-

cion entre Reino Hulandes y Gobierno di Merca tocante Acceso na y Uso di Facilidatnan na Antias Hulandes y Aruba pa Aplicacion di Droga den Espacio Aereo. E tratado ta autorisa vuelonan for di Aeropuerto di Corsou cu e proposito di vigilancia, monitoreo, y deteccion di cargamento di droga. E consentimiento aki, el a agrega, ta conta solamente pa vuelonan sin arma. E status di personal di Merca ta ser goberna pa e Acuerdo entre Reino Hulandes y Merca tocante e Status di Personal di Merca den Caribe.

Tocante activonan facilmente desplegable den Caribe, minister Brekelmans a splica cu pa tareanan militar y policial, Ministerio di Defensa ta mantene un presencia militar permanente den Caribe. E presencia aki ta consisti di mas cu 1.000 personal di multiple Servicio di Defensa, cu ta consisti di tanto personal militar como civil, cu un enfoke riba operacionnan maritimo.

El a remarca cu e presencia aki, Ministerio di Defensa ta contribui na seguridad riba tera, riba lama, y den aire, y ta cumpli cu su tarea primordial di mantene independen-

cia y defensa di Reino. Ademá, el a agrega, Ministerio di Defensa ta contribui na promove e estado di derecho internacional y sostene autodadnan civil.

El a splica cu Wardacosta di Caribe ta un organizacion di Reino. Banda di tareanan di servicio, manera buskeda y rescate, Wardacosta ta haci tareanan di investigacion y supervision tambe. Pa cumpli cu su tareanan, Wardacosta tin unidadnan di nabegacion, buelo y mobil desplega rond/riba e islanan. El a indica cu si ta necesario, capacidadnan di defensa por ser desplega for di Hulanda.

E mandatarario a sigui splica cu e despliegue di Wardacosta di Caribe ta limita na e area di responsabilidad di Reino y normalmente no tin coordinacion cu partnernan internacional pa esaki. El a indica cu Ministerio di Defensa ta conduci operacionnan contra droga riba laman grandi (awanen internacional) den cooperacion estrecho cu Merca. Cooperacion intensivo ta tuma luga pa esaki bou di coordinacion di e Joint Interagency Task Force Zuid (JIATF-S). El a enfatisa cu actualmente, no tin motibo pa cambia operacionnan regular den e area.

Contestando e pregunta si tin intencion di emiti avisonan di advertencia pa aviacion civil y barco rond di e islanan ABC (Aruba, Boneiro, Corsou) minister Brekelmans a splica cu actualmente no tin motibo pa emiti un advertencia pa espacio aereo di Boneiro, Sint Eustatius, of Saba pa motibo di desaroyonan di seguridad. El a indica cu Aruba y Corsou ta paisnan autonomo dentro di Reino Hulandes y pues tin nan propio competencia y ta keda na Aruba y Corsou pa dicidi si ta emiti un aviso pa nan espacio aereo.

E mandatarario a splica cu dia 15 di augustus, Minister di Infraestructura y Maneho di Awa a emiti un advertencia pa nabegacion maritimo comercial Hulandes pa lama territorial di Venezuela, e zona contiguo, y e Zona Economico Exclusivo (ZEE), como tambe pa e awanan pega cu e region Esequibo di Guyana, reclama pa Venezuela. Esaki el a enfatisa a ser impulsa pa e situacion di seguridad cu tabata empeora riba laman y riba tera, particularmente e intercepcion di varios barco chikito di exterior door di

marina/guarda costa di Venezuela, sigui pa detencionnan arbitrario di miembronan di tripulacion y/of imposicion di boetnan pisa.

El a indica cu actualmente no tin motibo pa eleva e advertencia di nabegacion maritimo aki. E aviso di biahe pa Venezuela tambe ta conseha botonan recreativo pa no nabega den lama territorial di Venezuela, e zona contiguo, y e EEZ, como tambe e awanan noord di e region di Essequibo di Guyana.

Tocante conshonan di biahe pa residente y bishitantenan di e islanan ABC, minister Brekelmans a splica cu e aviso di biahe pa Venezuela a cambia dia 18 di juli 2025, di mayoria cora y parcialmente oraño pa completamente cora, debi na e detencionnan arbitrario di parti di e regimen y e opcionnan hopi limita pa asisti ciudadanonan Hulandes ora nan ser deteni.

El a enfatisa cu na e momentonan aki no tin motibo pa actualisa e plan di crisis den luz di e ultimo desaroyonan.

Contestando e pregunta con gobiernu y parlamentonan di Aruba y Corsou ta involvi den tumamento di decision pa loke ta trata defensa y relacionnan exterior cu ta relaciona cu e situacion, e mandatarario a splica cu mantencion di e independencia y defensa di Reino, como tambe e relacionnan exterior, ta ancla den articulo 3 di e Carta pa Asuntonan di Reino. Minister di Defensa y Minister di Relacionnan Exterior semper ta fungi como minister di Reino pa cu e asuntonan aki.

El a sigui splica cu Minister Plenipotenciario di Aruba, Corsou y Sint Maarten, como representante di Aruba, Corsou, y Sint Maarten respectivamente, ta miembro di Consho di Minister di Reino y asina ta involvi den e proceso di tumamento di decision di gobiernu di Reino. Banda di esaki, el a agrega, tin contacto bilateral andando entre e autoridatnan na Aruba, Corsou y Sint Maarten y e Ministerionan di Relacionnan Exterior y Defensa di Reino.

El a indica cu e Comandante di Marina Real di Hulanda den Caribe (C-ZMCARIB), como e comandante regional, ta e punto di contacto principal pa presencia di Defensa y actividadnan den region pa autoridatnan local.




CARIBBEAN SPEED PRINTERS N.V.

Relaciona cu celebracion di
DIA DI PRENSA

Ta participa cu **NO** lo tin edicion regular di **Bon Dia** y **Aruba Today** riba diamars 2 di september, 2025.

Oficina lo ta cera dia 1 di september.

Pa e motibo aki ta haci un suplica na tur esunnan cu ta desea di publica aviso den Bon Dia y Aruba Today pa diaranson 3 di september pa por favor email na: aviso@bondia.com.

Gerencia



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart-Boekhoudt

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)

Leo Maduro
Dilma Arends
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com
info@bondia.com

Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.




Crisis di Costo di Bida pa Empeora

Hopi di e problemanan cu nos ta wak den medio di noticia diariamente, manera criminalidad, actonan di suicidio, pais sushi y adictonan desespera ta eigenlijk e gevolg di plazo largo di e crisis di costo di bida. Inflacion ta e zuur mas antisocial den historia y nos por nota 2.000 aña di ehempelnan pa ilustra esaki. Awo tin e factornan internacional grandi unda Aruba no ta ni un pion chikito, pero nos tawata ta tin tanto na tanto oportunidad pa usa innovacion combina cu beleid sabi pa reduci e dolor di costo di bida na nos pais. E local beleid te ainda ta “far too little, too late”. Y anos como pueblo henter lo bay sinti e efectonan di e fayonan fundamental aki den añanan binidero.

Rentebeleid di Estados Unidos

Mi no lo bay den detaya ultra complica over e rentebeleid di Banco Central di Estados Unidos esta e Federal Reserve (FED), djis cu esaki debi na factornan economico den mercado di labor cu ta bezig ta verzwak riba manera obvio, pero tambe politico via President Trump. Cu den tur esaki e FED ta premira di baha su taha di rente den kwartaalnan cu ta bin significantemente. Esaki terwyl inflacion ya caba ta na 3% na Merca.

For di varios raportahe di banconan di inversion internacional manera BofA, Apollo y mas, esaki por wordo



spera di indirectamente haci e crisis di inflacion y su extrapolacion esta costa di bida, mas acuut ainda, e añanan binidero. Pues un economia mas slow y prijs di tur cos lo bay sigui subi in a nutshell.

0.0 Innovacion pa Prepara Aruba

Den un banda e trend internacional di inflacion monetario ta un hecho cu cualkier Gobierno local di Aruba, mester deal cune. Y atrobe nos ta wak un fayó total den e bestuur local locual ta pa echt e inversionnan duradero pa haci nos Isla mas resiliente socio-economicamente.

Mane por ehempel den luga di verf Bushiri Complex y hasie bunita, cual ta algo hopi great. Dicon no isola nan cas, duna cada habitante un spaarplan of algo similar pa aircó zuinig y eventualmente zonpanelen? Awo ta gaña verf y chapi pero e problemanan

fundamental ta keda.

Tambe Excellentie Gerlien Croes, como minister di Educacion & Innovacion ta totalmente ausente di e tema di Innovacion. Te cu ami sa, y mi ta spera cu mi ta fout den esaki, mi no a wak ningun pero ningun beleidstuk di Innovation Plan Integral na un Nivel National pa Aruba. Mi kieren di mas cu 7 luna a pasa, y ni un nanogram di Innovatie e Gobierno aki a presenta. Locual si nos ta wak cu cada biaha mester bisti un shirt deportivo pa un evento, e ora si Excellentie Croes ta presente.

Tambe unda AI a keda den nos sector di Salubridad? Tambe 7 luna a pasa, nos a skirbi pa mas cu 4 aña over e tema aki den varios medio di comunicacion pero atrobe mi no a wak net nada ainda di Ministerie VGZ di Aruba locual ta nan plan tocante AI, automatisatie y inversion.

Drecha Pier di Pisca pero ni Deposito Garantie Aruba tin

Un otro hecho cu mi ta haya sumamente frapant ta cu Excellentie Wever, nos Minister di Finanzas ta por ehempel post cu hopi orguyo cu lo drecha pier di piscador nan rond Aruba. Cual ta algo bunita, pero den contexto di e piramid di prioridad nan pa un pais ta uno hopi tristo.

Na prome lugar Centrale Bank van Aruba (CBA) ta den buskeda pa un President nobo. Mi kier nota cu CBA ta hopi sporadico den nan kern publicaties. Awo nos ta na Augustus caba, y te cu mi analytisch vermogen ta duna, mi a nota cu desde Maart 2025, nos no tin data mas di nos ARA y Monetaire Reserves, tambe e publicacion di e MPC meeting minutes ta di mei 2025, y awo ta augustus 2025.

Mas frapante di tur cu terwyl kier post riba rednan social cu lo drecha edificio ta e hecho cu te dia di awe, Aruba NO tin un deposito garanti-estelsel. Esaki segun raportahe di Aruba.NU. (<https://www.aruba.nu/nieuws/algemeen/77417/arubaans-spaargeld-straks-beter-beschermd>)

Awo esaki no ta un poco mas importante cu drecha y verf un pier di pisca?



SETAR invirtiendo den futuro di nos hobennan cu donacion na e Student Development Fund di Universidad di Aruba

Diahuebs mainta SETAR tabata presente na Universidad di Aruba pa haci entrega di un check di donacion. Pa di cuater año consecutivo, SETAR ta contribui cu AWG 10.000 na e Student Development Fund di Universidad di Aruba.

Un fondo cu ta provee asistencia financiero na studiantenan, yudando asina cubri costonan relata na estudio, vivienda of stage den exterior como tambe fondo pa bishita congreso of pa desaroyo di entrepreneurship.

Educacion ta e fundeshi di e

futuro di Aruba y como compania local nos ta orguyoso di continua cu nos partnership cu Universidad di Aruba y contribui na empodera nos studiantenan cu e hermentnan necesario pa por ta exitoso den nan estudio.



Parlamentario Dangui Oduber (MEP):

Cu surplus di 500 miyon florin gobierno no tin placa pa trece alivio pa pueblo y no tin placa pa docentenan!

Ayer a sigui cu tratamiento di e presupuesto complementario 2025 y manera nos a bisa durante nos primera tanda, nos ta condena e hecho cu un gobierno cu un surplus di 500 miyon florin NO ta trece alivio pa pueblo cu tanto a ser priminti.

Loke nos a mira den e presupuesto complementario ta cu gobierno a opta pa inverti den infraestructura y edificionan pero NO trece alivio pa cartera di pueblo. Den e presupuesto aki cu tin un surplus di 500 miyon florin, no tin placa pa pensionadonan, no

tin placa pa energietoeslag, no tin placa huurtoeslag y sigur NO tin placa pa un miho estructura di salario pa docentenan.

Nos ta condena e hecho cu netamente un gobierno cu a haci e promesa pa trece alivio pa cartera di pueblo, awor cu nan tin e oportunidad no a trece ningun alivio pa pueblo. Nos ta mira con ta fiesta y derocha placa di pueblo.

En bes di yuda pueblo ta castiga pueblo.

En bes di yuda pueblo ta introduci medida por medio

di aumento di prijs di gas di 35%.

Ta forsa pueblo sigui paga pa remedianan a pesar cu AZV tin surplus di mas di 200 miyon florin.

Den tempo di abundancia ta cobra pueblo remedi, pensionadonan, muchanan special, hendenan cu problema cu salud mental.

Ta kita placa di presupuesto pa construccion di cas social.

Nos ta nota cu den e presupuesto aki e salario 'averahe' di esnan cu ta traha den Co-

colishi, sin open sollicitatie, sin vacatura, sin formatie-apport y sin un comision di seleccion ta nada mas y nada menos cu 9.500 florin pa luna. Un bode den e gobierno aki su salario ta 6.000 florin pa luna. Imagina bo, e hendenan cu a haci promesa di politica nobo, esnan cu a haci e promesa cu tur hende lo haya oportunidad igual awe ta abusa di fondonan publico.

Awe ta inventa funcionnan manera diplomatico cultural, district advisor, fotografo ta bira beleidsmedewerker y awe no tin minister di finan-

zas. Ta imposibel cu un minister di finanzas por acepta cu un bode ta gana 6.000 florin pa luna.

Den e gobierno aki un bode ta gana mas placa cu un docente. Di e forma aki di berdad nan a bolter cos paso awor a lubida docentenan, a lubida pensionadonan, a lubida personal di cuidio y a lubida di trece alivio pa pueblo.

Nota di redaccion: E articulo aki ta opinion di e autor y no ta representa opinion di Bon Dia Aruba.

Parlamentario Shailiny Tromp-Lee (MEP):

“Incomprensibel cu Parlamentarionan di coalicion no a sostene mocion pa duna FCCA mas placa”

Mi observacion durante tratamiento di e presupuesto complementario 2025 ta cu Gobierno ta duna hopi contesta bashi of no ta contesta mes, no a presenta plannan concreto pasobra den 5 luna nan no a logra traduci nan vision den maneho, ni ta presenta cifranan detaya of dossier di proyectonan cu nan kier bay ehecuta.

Pueblo por a tuma nota cu nan a implementa recortenan drastico den diferente ministerio pa por crea un fondo di inversion cu ta te den e delaster kwartaal di e año aki ta bay keda cla y bo ta puntra bo mes, pakico? Pakico no a brinda p.e. FCCA e solucion cu e a busca y no a haya, pakico ta kita e suma di 20 miyon cu a keda poni pa nan, sin tin un plan concreto pa haci cu e suma aki den e fondo di inversion?

Durante mi desertacion mi

a indica cu mi no por imagina cu por tin un Parlamentario den sala di Parlamento cu despues cu mi a yama e reunion cu FCCA dia 6 di mei di e año aki den Comision Fiho di Enseñansa por ta contra un prestamo na FCCA y aumento di nan subsidio cu meta pa traha mas casnan social y garantisa viviendanan pagabel.

Den e reunion di Comision di Finanzas, FCCA mes a bin duna splicacion y a subraya e urgencia. FCCA a enfatisa cu sin ayudo di gobierno, nan no por traha mas cas social. Esaki ta hopi lamentabel mirando cu FCCA tin un lista di espera di mas di 3.700 peticion pa cas social.

Mi a spera cu Gobierno lo haci lo corecto y cumpli cu nan propio programa y pone e suma aki bek den e presupuesto, lastimamente nos por a conclui cu esaki sigur no ta e caso.

Ta un lastima cu mi no a scucha ningun colega parlamentario di coalicion papia di e necesidad di FCCA, lista di espera y cu ta Gobierno mes ta na e crusada pa brinda solucion.

Gobierno actual a kita e sosten financiero presupuesta pasobra segun nan mester bin un investigacion mas profundo y pa esaki nan mester bolbe reuni cu FCCA. Un tardamento di tempo innecesario. FCCA sigur a splica kico tur caba nan a haci pa purba logra pa haya placa presta na interes abou sin e resultado desea. Nan a purba local asta na por ehempel APFA, nan a purba na Hulanda y tambe riba mercado internacional sin e resultado desea.

FCCA a indica cu nan no por sigui carga e maneho di huur-subsidie (vivienda pagabel) si no ta ricibi e indexering necesario, cual Gabinete Wever-Croes tambe a tene cuenta

cune y a propone pa hisa e subsidio di FCCA cu 2.7 miyon florin structuralmente mediante un mota di cambio. Cu e aumento aki FCCA por sigui tene e huurprijs di e casnan social abou. Esaki ta un peticion di FCCA di hopi año caba y awo cu Gobierno por cumpli cune debi na e espacio financiero cu e surplus ta trece cune, nos mester haci esaki tambe.

P'esey mes mi ta haya innecesario pa bay haci full e investigacion di nobo, perde lunanan y tempo valioso pa yega na e mesun punto. Gobierno tin e espacio financiero y e ta e prome yama pa yuda mirando e situacion.

Pueblo mester realiza cu ta trata di terkedad politico y falta di seriedad pa atende cu un tema asina di urgencia. Mi a dedica hopi tempo na e tema pasobra mi ta hay'e un tema asina importante y necesario. P'esey tambe mi a presenta un mocion pa pa pidi na



gobierno pa:

- Aumenta structuralmente e subsidio di FCCA cu Afl. 2.7 miyon den e presupuesto supletorio di 2025;
- Nan cera un acuerdo di prestamo di Afl. 17 miyon cu FCCA na un tasa di interes abou, p'asina por realiza proyecto nobo di casnan social y atende cu efectividad e falta di casnan social.

Lamentablemente e mocion aki no a conta cu sosten di Parlamentarionan di coalicion pa duna FCCA mas placa pa por traha casnan social y mantene prijsnan pagabel.

Pueblo habri bo wowo wak accion y habri bo horea y scucha. Wak si en berdad nan ta haci loke nan a priminti.

Luna di Locura cu Lotto 5!

Cu cada 2 Lotto 5 riba e mesun ticket, ricibi 1 Lotto 5 loco completamente gratis riba e mesun ticket!

Luna di september ta un luna di locura cu Lotto 5! Cu cada compra di 2 set di number di Lotto 5 riba e mesun ticket, bota ricibi un ticket di Lotto 5 loco completamente gratis riba e mesun ticket.

Si bo compra 4 Lotto 5 riba e mesun ticket bo ta ricibi 2 Lotto 5 loco completamente gratis ariba e mesun ticket. Si compra bo 6 Lotto 5 riba

e mesun ticket bo ta ricibi 3 Lotto 5 loco gratis ariba e mesun ticket. Kiermen mas Lotto 5 bo compra riba e mesun ticket, mas Lotto 5 loco bo ta ricibi gratis y asina mas chens bo tin pa gana e jackpot di Lotto 5!

Lotto 5 ta costa solamente 4 florin pa ticket y bo por combina bo 5 numbernan for di 01 te cu 35. Pidi bo rebendado pa bo 2 set di 5 number-

nan riba e mesun ticket y asina bo ta ricibi un Lotto 5 loco completamente gratis ariba e mesun ticket. Si bo no sa cua numbernan pa scohe, bo ta pidi bo rebendado pa 2 Lotto 5 loco riba e mesun ticket y ricibi un tercer Lotto 5 loco completamente gratis.

E promocion aki ta valido te cu 30 di september pa e sorteonan di Lotto 5. Por compra bo weganan di Lotto te cu 7:30PM na bo rebendado preferi. Sorteo di Lotto 5 ta hunga riba tur diaranson y diasabra anochi pa 7:45PM na TeleAruba pero tambe por wak sorteo di Lotto riba nos pagina di Facebook y YouTube.

Lotto, E Loteria di Aruba tin diferente wega, Catochi, Big



4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente weganan di Raspa y Gana y Instacash. Tambe lo por hunga Lotto Online door di bishita: play.lottoaruba.com

pa por registra. Comprando Lotto bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

Manera custumber

Preparacion tumando luga pa campaña di vacunacion escolar 2025-2026



Pa medio di e relato informativo aki seccion Cuido Salud Hubenil (JGZ) ta desea di informa mayornan y voogd cu tin yiu bishitando scolnan preparatorio y basico, cu den luna di september campaña di vacunacion escolar ta inicia.

Ta importante pa mayornan ta pendiente pa ricibi cartanan informativo y di permiso pa vacunacion pa medio di scol. Durante di e campaña di vacunacion escolar, seccion JGZ ta ofrece e vacunacion regular cu ta contra malesanan di mucha manera Difteria, Tetanus, Polio, Sarampi, Sarampi Aleman y Cacheton. Pa e mucha muhenan den klas 6 ta ofrece e vacuna di HPV cu ta yuda preveni cancer na boca di matriz. Pa seccion JGZ ta importante pa infatista tambe cu e campaña ta regarda solamente vacunacion regular, cu tambe ta wordo duna na baby y mucha na consultorionan di Wit GeleKruis (WGK) y cu NO ta trata aki di e vacuna contra COVID-19. Pa mas di 70 aña seccion

Cuido Salud Hubenil (JGZ) di Departamento di Salud Publico (DVG) ta encarga cu vacunacion di nos muchanan na Aruba. Seccion JGZ ta traha huntu cu WGK y tambe ta puntra e cooperacion di scolnan kleuter y basis pa asina logra un grado di vacunacion halto na Aruba. Seccion JGZ ta mantene un registro di tur vacuna cu cada mucha ricibi y ta averigua na inicio di cada aña escolar cua vacuna muchanan den segundo kleuterklas, klas 5 y klas 6 falta. Tur mayor di mucha(nan) di e klasnan menciona cu falta vacuna segun nan edad ta ricibi un carta informando nan di e campaña di vacunacion escolar y alabes pidi autorisacion di mayor pa enfermeronan di seccion JGZ por duna nan yiu(nan) e vacuna(nan) cu nan falta.

Pa mas informacion like nos Facebook page Directie Volksgezondheid DVG Aruba, Follow nos riba Instagram [directie_volksgezondheid_aruba](https://www.instagram.com/directie_volksgezondheid_aruba), subi nos website www.dvg.aw, yama nos na 5224200 of mail nos na servicio@dvg.aw

Cumpra bo Mini Mega y cu Afl. 2,- mas, bo por gana e jackpot di

AFL 1.125.000,-

Con?

Afl. 750.000,-

+

Extra!

Afl. 375.000,-

www.lottoaruba.com

Pa mas informacion yama 525-7555 of bishita nos website lottoaruba.com

Hulanda: Corte ta ordena tratamento psiquiatrico pa muher cu a tira su yiu for di balcon

(NLTimes)—E corte na Arnhem a sentencia un muher di 42 aña pa tratamento psiquiatrico obligatorio den un facilidad di TBS bao cierto condicion despues cu el a tira su yiu homber di cinco aña for di balcon cinco piso halto na Zuthpen aña pasa. E mucha a cay 15 meter pero a sobrevivi, aunke el a haya heridanen serio, incluyendo un pulmon colapsa.

E dama tabata den un estado psicotico durante e tempo di

e incidente. Un psiquiatra y un psicologo a conclui cu e no por ta criminalmente responsable pa su accionnan. E corte a acepta e conseho aki y pa e motibo a declara Adriana P. completamente no responsable, sin impone sentencia di prison. Sinembargo, e mester haya tratamento. “E problemanan compleho den e caso aki y e riesgo di re-ofende ta rekeri tratamento compulsorio di plaso largo,” e corte a bisa.

“El a tende voznan bis’e pa

sacrifica su yiu homber e dia ey. El a kere cu e mucha por a bula for di balcon,” e corte a agrega. E dama a bisa durante e audiencia cu e no tabatin intencion di mata su yiu, pero e corte a rechasa e argumento ey. “Basa riba su declaracionnan mas trempan, corte ta considera esaki como prueba cu el a purba mat’e, bao influencia di e voznan den su cabes.”

Polis bishita e hogar casi un ora prome cu incidente despues cu P. tabata gritan-



do for di balcon. Nan a bay despues cu el a calma. Menos cu un ora despues, el a tira su yiu homber for di balcon. Awor e mucha ta bibando cu

un famia di acogida.

E veredicto di corte ta den cuadra cu e recomendacion di fiscal.

Corsou: Militante sentencia pa horta municion durante entrenamiento



(Curacaochronicle)—Un miembro di e Milicia Curasoleño di 23 aña a ser sentencia pa 60 ora di servicio comunitario pa horta municion durante un ehercicio di tiramento na Wacawa. E hoben a tuma 25 cartridge cu intencion pa bende nan.

A gar’e ora a descubri balanan di scopet scondi den su sapato durante inspeccion. En total, a descubri cu e mi-

licia tabatin falta di 138 ronda di municion. Den corte, e acusado a admiti na e atraco y a confesa cu e tabata planea di bende e municion, aunke e no tabatin un cumprador fiho den mente.

Fiscal a argumenta cu e militante hoben a acusa e confiansa pone riba dje como miembro di e forsan arma. Nan a pidi un sentencia di 60 ora di servicio comunitario, cu 30 dia den prison como

un substituto si no completa e oranan.

Hues Carmelia a bay di acuerdo, enfatizando cu Corsou ya ta enfrentando problemanan serio di violencia arma, y e atraco di municion cometi pa e militante ta solamente empeora e situacion. e corte a impone un sentencia completo manera fiscal a pidi: 60 ora di trabao sin pago of, si fracasa, 30 dia den prison. E hoben a ser dispidi for di e milicia.

Corsou: Parlamentario Larmonie-Cecila ta critica respuesta di gobierno pa despliegue naval di Merca cerca di Venezuela

(Curacaochronicle)—Miembro di parlamento Ruthilda Larmonie-Cecilia (PNP) a expresa preocupacionnan serio tocante e respuesta di prome minister Gilmar Pisas na a yegada di barconan naval di Merca cerca di Venezuela, parti di Washington su campaña contra trafico di droga y terrorismo. Segun e parlamentario, e posicion di gobierno por tin conse-

cuencianan duradero pa e pueblo di Corsou.

Larmonie-Cecilia ta argumenta cu e informacion duna pa Pisas no ta suficiente, lagando publico confundi y mal informa. Mientras un declaracion for di Raad van Ministers a acepta e presencia di barconan Mericano, e parlamentario ta mira un falta preocupante di discusionnan tocante posible con-

flicto humanitario—manera un aumento den migrante Venezolano buscando refugio na Corsou. El a adverti cu un escenario asina lo pone aun mas presion riba e cuidio medico, educacion, y e mercado laborl.

E parlamentario tambe a expresa preocupacion tocante e riesgonan cue desaroyonan aki ta presenta pa seguridad y soberania di Corsou. El a

acusa gobierno di evadi preguntanan crucial riba derecho humano y seguridad, yamando su acercamento un “actitud di no puntra, no bisa.” Segun Larmonie-Cecilia, presencia militar Mericano ta pone Corsou den un posicion geopolitico precario, particularmente mirando e rol di e Forward Operating Location (FOL) na Hato Airport. Mientras tanto, presidente



Venezolano Nicolas Maduro a describi e movimentonan marina di Merca como un menasa, anunciando e mobilisacion di miyones miembro di milicia—un escalacion cu por sigui stimula tension regional.

Zr.Ms. Friesland ta intercepta mas cu 300 kilo di cocaina

Zr.Ms. Friesland un biaha mas ta intercepta un otro cargamento di droga den Caribe. E biaha aki, tabata trata di 318 kilo di cocaina; durante un operacion dia 18 di augustus. A anuncia esaki awe. Entretanto esaki ta di ocho biaha cu e barco ta canta bingo.

Riba e anochi en cuestion, e barco di stacion Zr. Ms. Friesland a mira un barco sospechoso den lama Caribe. E tabata un asina yama go-fast,

un boto rapido cu hopi biaha ta ser usa pa contrabanda di droga. Asina cu esaki a keda confirma, ambos boto di interceptacion rapido (Friscs) cu ta riba Friesland a er desplega pa acerca e boto.

Despacha den Lama

A sigui un persecucion, durante cual e contrabandistanan a benta paketenan den lama. E persecucion a ser cancela, y e tripulacion di Frisc a logra recupera 318 kilo di cocaina. E droga a ser

entrega na Wardacosta Mericano, manera ta custumber pa destruccion.

Combatimento

Zr. Ms. Friesland ta activo den e region for di luna di mei. Combatimento di traficacion di droga riba lama ta un di e responsabilidanan di Ministerio di Defensa den Caribe. E barco di stacion ta traha intercambiando cu Wardacosta di Caribe y Wardacosta di Merca.



Ministernan Hulandes y Sueco ta manda carta pa hefe di Asuntonan Exterior di UE pidiendo sancion pa Israel

(NLTimes) - Hulanda y Suecia a manda un otro carta pa e Alto Representante pa Asuntonan Exterior y Politica di Seguridad pa e Comision Europeo, Kaja Kallas, den cual nan ta pidi pa aumenta e presion riba Israel. Nan ta pidi entre otro pa e adopcion rapido di proposicionnan cu lo permiti sancionnan dirigi contra ministernan extremista Israeli y pa e suspension di e seccion comercial di e acuerdo di cooperacion entre UE y Israel.

E carta a ser manda diaranson y a ser firma pa e ministernan Hulandes y Sueco pa Asuntonan Exterior, Ruben Brekelmans y Maria Malmer Stenergard. E ministernan di Asuntonan Exterior di UE lo reuni na Copenhagen diasabra. Dinamarca ta e presidente di UE actualmente.

Ademas di e medidanan menciona ariba, e dos ministernan ta pidi pa mas paso contra colonisadornan Israeli violento. Nan ta ripiti tambe nan sosten pa e proposicion pa parcialmente suspende e participacion di Israel den e programa Horizon Europe. E



carta no ta menciona un boycott di productonan di acuerdonan. Ademas, e paisnan ta pidi sancion contra e lidernan politico di Hamas.

E hecho cu Israel ta violando e condicionnan di e Acuerdo di Asociacion y no ta mantene un acuerdo cu UE pa permiti mas ayudo den Gaza ta e motibo cu e ministernan a skirbi e carta.

E ta e di dos carta manda di ambos pais pa Kallas den un periodo cortico di tempo. E minister di Asuntonan Exterior cu a renuncia recientemente, Caspar Veldkamp, tambe a manda un carta pa

Kallas den cual entre otro el a pidi pa suspende temporalmente e seccion comercial di e Acuerdo di Asociacion UE-Israel.

Brekelmans y Stenergard a skirbi cu e situacion humanitario na Gaza ta keda insostenibel y cu e decision di Israel pa ataca Gaza City ta enfatisa mas ainda e necesidad pa aumenta accion. Nan a critica e decision di Israel pa construi un facilidad nobo cerca di Herusalèm, loke nan ta considera inaceptabel. E estadonan miembro di UE ta dividi riba e tema, aunke e cantidad di paisnan cu ta desea di tuma accion contra Is-

rael ta creciendo. Pero ta dificil pa calcula si tin suficiente sosten pa esaki, fuentenan cercano ta bisa. Si nan yega na un acuerdo, un decision lo ser tuma den e siguiente reunion, ya cu e reunion den e capital Danes ta informal.

Na Copenhagen, Brekelmans tambe lo defende un prohibicion di importacion for di acuerdonan ilegal di Israel. Si no tin sosten pa esaki, e Gabinete saliente ta considerando pa tuma e paso ey na nivel nacional, hunto cu otro paisnan.

Esaki ta sucede djis un dia despues cu e Prome Minister demisionario Dick Schoof a bisa cu e no kier tuma medidanan nobo pa presiona Israel of atende e crisis humanitario na Gaza. Tambe el a conseha parlamento pa vota contra tur mocion di e tipo aki.

Por ehempel Schoof no a sostene un proposicion di Esther Ouwehand di (PvdD) y Jimmy Dijk (SP) pa trece muchanan for di Gaza cu e necesidadnan medico mas urgente pa hospitalnan Hulandes pa tratamiento. Partidonan di oposicion di izquierda y organisacionnan

di ayudo ta bisa cu evacuacionnan medico ta necesario, pero Schoof a opone e idea. Despues el a priminti di bolbe bishita e asunto.

D66 y NSC a entrega un mocion cu ta pidi pa accion nacional real si UE no logra yega na un consensus. Schoof no a sostene e mocion ey tampoco.

E debate di diaranson tabata principalmente tocante e caos politico cu a tuma luga despues cu NSC a bandona e Gabinete diabierna. E resto di partidonan di coalicion, esta VVD y BBB, tin un total di 32 asiento den Tweede Kamer.

Lider di GroenLinks-PvdA, Frans Timmermans, a bisa na comienso di e debate cu su partido lo sostene politicanan exterior solamente si e Gabinete tuma pasonan pa aumenta e presion riba Israel. "No tin progreso at all," Timmermans a conclui na final di e debate. "Mirando e sentimentonan den sociedad Hulandes, mi ta haya esey profundamente decepcionante. E ta tira un sombra riba cooperacion cu e Gabinete aki."

120 hende a muri na Hulanda aña pasa; Mitar di e victimanan muhe a ser mata pa partner of ex

(NLTimes) - Aña pasa, 120 persona a muri na Hulanda a consecuencia di asesinato of homicidio imboluntario. Esey ta cinco menos cu na 2023. 76 homber y 44 muhe a muri. Casi mitar di e victimanan femenino na 2024 a ser mata pa un partner of ex, segun CBS Hulanda, cu ta publica e cifranan aki anualmente.

For di 2020 pa 2024, polis a identifica un perpetrador of sospechoso den 97% di tur victima femenino. Den 52% di casonan, esaki tabata un partner of ex. 20% di hende muhe a ser asesina pa un miembro di famia. Mayoria hende muhe a ser mata den nan mesun cas, generalmente cu un arma di hincamento of door di strangulacion.

Cu hombernan asesina, polis a identifica un sospechoso den 86% di casonan. 32% a ser mata pa un hende cu nan



tabata conoce. 11% a muri como resultado di un areglo di cuenta dentro di e mundo criminal. Mas cu 70% di hombernan a ser mata cu un arma di candela of arma di hinca, segun CBS.

For di 2020 pa 2024, 30 mucha bou di 10 aña a ser asesina na Hulanda, 16 mucha homber y 14 mucha muhe. 26 di e muchanan aki a ser asesina pa un mayor.

E cantidad di victimanan di

asesinato y homicidio imboluntario a baha cu mas cu mitar compara cu comienso di e siglo aki. For di 2000 pa 2004, un promedio di 163 homber y 74 muhe a ser mata pa aña. E cantidad di homber asesina a baha te na 2016. Na 2017,

tabatin un maximo, y despues di esey, e cantidad di victima masculino a stabilisa na un promedio di 82 pa aña.

E cantidad di hende muhe asesina tambe a baha, pero menos fuerte cu pa hende homber. Durante e ultimo dies aña, e cantidad di victima a keda stabiel, cu un promedio di 43 hende muhe pa aña.

73% di e victimanan tabata entre 20 y 60 aña di edad, 10% tabata mas hoben cu 20 aña, y e sobra 17% tabata mas bieu cu 60 aña.

Mitar di e asenatonan di aña pasa a ser cometi den muncipionan cu mas cu 100 mil habitante. Mayoria tabata na Amsterdam (18), Rotterdam (11), y Den Haag. Segun CBS, Hulanda ta entre e paisnan cu un tasa di asesinato relativamente abou. Solamente Irlanda, Suiza, Italia y Slovenia tin menos.

Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Colombia: Adolescente cu a tira riba aspirante presidencial sentencia cu siete aña den centro di detencion hubenil

(AP) — Un adolescente cu a admiti di tira riba Senador Colombiano y aspirante presidencial, Miguel Uribe Turbay durante un rally politico a keda sentencia di aranson cu siete aña di detencion na un facilidad di rehabilitacion hubenil.

E sentencia, anuncia pa Ministerio Publico di Colombia, ta yega mas cu dos siman despues cu Uribe a fayece di e heridan cu el a sufri den e atake dia 7 di juni. E tiramento a alarma Colombianonan, recordando algun di e capitulon mas scur di e violencia impulsa pa droga na e pais.

Ministerio Publico a bisa den un declaracion cu e cargonan contra e hoben di 15 aña a inclui intento di asesinato y e manufactura, trafico, transporte of posesion di arma di candela,



accesorio, parti of municion.

A tira Uribe tres biaha, dos na cabes, mientras e tabata duna un discurso di campaña na un parke den un barrio di clase trahador den capital, Bogota. EL a keda den un unidad di cuido

intensivo den condicion serio cu episodionan di mehoracion leve te cu su morto dia 11 di augustus. Autoridadnan a aresta e adolescente na e escena di e crimen. Despues nan a tuma den custodia cinco otro persona, pero nan no a determina ken a

duna ordo pa e atake of pakico.

E tiramento, graba riba diferente video, a alarma Colombianonan cu no a mira e sorto di violencia politico aki contra candidatonan presidencial desde cu capo di cartel di Medellin, Pablo Escobar a declara guerra contra estado den añanan 1990.

Uribe, un di e criticonan mas fuerte di presidente Colombiano, Gustavo Petro, na october a anuncia su plan pa postula pa presidencia. Petro, e prome isquierdista pa goberna Colombia, no ta eligible pa reeleccion den eleccion di mei 2026.

Tata di Uribe, Miguel Uribe Londoño, a drenta e eleccion presidencial diamars den loke el a bisa ta un esfuerso pa tene e legado di su yiu na bida y construi un Colombia mas sigur y prospero.

Jamaica: Mayornan deteni pa asesinato cu sker di nan dos yiu chikito

(JamaicaObserver) - E asesinato di dos mucha homber chikito, supuestamente pa e figura paterno, a ser condena pa Prome Minister Dr. Andrew Holness, e Agencia di Proteccion di Mucha y Servicio pa Famia (CPFSA), y otro seccionnan di sociedad.

Polis ta informa cu Shamair Henry di tres aña y su ruman homber Amair Saunders di un aña a muri di varios herida di hinca infligi cu un paar di sker mientras nan tabata den nan box.

“Awe, Jamaica ta yora. Laga nos bin hunto den oracion pa e dos bida precioso corta y pa e mama y familiarnan cu awor mester enfrenta e dolor increibel aki. Cu nan alma sosega den paz eterno,” e prome minister a bisa den un comunicado.

“Ningun mayor nunca mester soporta un tragedia asina, y como pais nos ta yora banda di nan. Como sociedad, nos mester ta vigilante den salvaguardia e bienestar di nos yiunan. Cada biaha cu tin



señalnan cu nan por ta na riesgo, ta importante pa tuma accion pa proteha nan,” Holness a bisa.

“Gobierno ta keda comprometi pa fortalece nos sistemnan di sosten na famianan y sigura cu nos instancianan ta responsivo den situacionnan unda muchanan por ta na peligro. Proteha esnan mas vulnerabel entre nos no solamente ta un deber di e Estado pero tambe un respon-

sabilidad di cada un y tur ciudadano,” el a agrega.

E sospechoso principal, un homber di 22 aña identifica como e tata di Amair Saunders, awor ta den custodia di polis en conexion cu e incidente cu CEO di CPFSA Laurette Adams-Thomas a describi como “mas leu di tragico” y “absolutamente horibel”.

Segun informe, e mama di

e muchanan tambe ta den detencion; sinembargo, no ta kere cu e ta e enfoko di e investigacion na e momentonan aki.

“Nos ta tembla di pensa kico e muchanan inocente aki por a soporta den nan ultimo momentonan. Nos curason tambe ta cu e mama, kende a sufri e perdida devastador di su unico dos yiunan,” Adams-Thomas a bisa den un comunicado.

Informenan ta cu algun rato despues di 8or di anochi diamars, e sospechoso, e dos mucha chikito y nan mama tabata na cas di e sospechoso na Swamp, St Ann, ora e sospechoso a consumi te y a cuminsa actua fuera di caracter. Ora el a observa su comportacion straño, e mama di e muchanan, kende tabata di bishita for di Dunrobin na Mandeville, Manchester, a core for di e cas y a bay Warda di Polis di Moneague caminda el a informa e incidente.

Polis a detene e homber di 22 aña y a bati alarma ya cu no por a haya e dos muchanan. A lansa un buskeda y e siguiente mainta a haya nan curpa den mata cerca di e cas.

Den su comunicado, CPFSA a bisa cu e mama di e muchanan tambe a keda herida durante e incidente.

“Informenan ta indica cu e tabata bishita su yiu homber mas chikito, Amair, kende tabata biba cu su tata, y a trece su otro yiu, Shamair, ora e tragedia a desaroya,” Adams-Thomas di CPFSA a bisa.

FAO: Mas cu mitar di e poblacion di Haiti ta confronta privacion severo di cuminda

(DiarioLibre) - Mas cu mitar di e poblacion di Haiti, 54,2%, ta enfrenta privacion severo di cuminda, seis punto di porcentahe y mey mas cu na 2006, segun e Peruano Máximo Torero, economista principal di Organizacion di Alimento y Agricultura di Nacionnan Uni (FAO).

“Tur indicador na Haiti a deteriora fuertemente”, segun e diputado di FAO den un entrevista cu EFE na Santo Domingo.

Segun Torero, e problema principal cu ta contribui na e inseguridad di cuminda di e pais ta e “conflicto interno y un economia totalmente inestabil.”

“E ta nan decision politico. Nos ta kere cu nan mester busca pa soluciona nan conflicto interno y despues busca un sostenibilidad mas grandi

di nan politicanan macroeconomico pa e pais por cuminsa bay dilanti,” Torero a bisa, kende a bishita e capital Dominicano e siman aki pa e “Diálogo Regional riba Seguridad di Awa: Un Agenda Man den Man.”

Den e situacion aki, FAO ta trahando “duro den areanan rural, ya cu e problema principal ta den e capital, pa aumenta produccion y productividad” den agricultura.

E organizacion cu sede na Roma ta “purbando di provee simia, fertilisante y otro cosnan cu lo aumenta e suministro di cuminda pa asina yuda aumenta acceso na cuminda.”

“Esaki no kiermen cu e lo soluciona e problema, pero e por yuda minimalis esaki”, Torero a remarca.

Haiti ta ser afecta pa un otro factor cu ta influencia henter

e region di Caribe: e costo halto di un dieta saludabel. “E costo di un dieta saludabel den Caribe ta \$5.40 per capita, esun di mas halto na mundo,” e economista principal di FAO a declara.

“Den Caribe, 50.7% di e poblacion no por haya acceso na e tipo di dieta aki basa riba diversificacion; no solamente basa riba calorìa, pero tambe riba proteina, fruta, berdura, carni y pisca.”

Segun Torero, e situacion di prijs halto aki ta debi na e hecho cu e region ta “principalmente un importador di cuminda” y a ser afecta pa e pandemia di COVID-19, cu a perhudica severamente e sector turistico.

“Siendo un importador di cuminda net ta nifica cu, prome, bo mester cubri e prijs; di dos, bo moneda ta relevante y p’esey bo ta perde



debi na e tasa di cambio; y di tres, e restriccionnan di suministro y gastonan di aporte ta afecta e costo di un dieta saludabel.”

A pesar di e prijsnan, Torero a afirma cu e region Latino Americano y Caribe, specialmente Sur America, por logra e meta di “Cero Hamber” pa 2030, como parti di e di e obhetivonan fiha pa Nacionnan Uni (ONU) pa e fecha ey.

E lider suplente di FAO a resalta e mehoracion den e indice di subnutricion na Republica Dominicana, cu ta-

bata na 3.6% na 2025, cinco punto y un di dies parti mas abou cu na 2019, segun e Rapport di Estado di Seguridad y Nutricion na Mundo 2025 (SOFI 2025), prepara pa FAO.

Segun Torero, e situacion den paisnan Latino Americano pa loke ta trata personanan cu ta experiencia privacion severo di cuminda a mehora debi na mehoracion di proteccion social, cu desayuno y snacks na scol, y tambe debi na e falta di conflictionan, cu excepcion di Haiti.



(AP) — Manifestantenan a tira piedra riba un convoy transportando presidente libertario di Argentina, Javier Milei riba diaranson, mientras su caravana di campaña tabata pasa door di provincia Buenos Aires, e cuna di e movimiento di oposicion iski-erdista di e pais.

Milei a sali ileso, su vocero a bisa, pero e atake contra su motorcade a caba trempa cu e rally di perfil halto, y a genera tension apenas algun dia prome cu eleccion provincial consecuentemente na Buenos Aires, unda mas cu un tercera parti di Argentinonan ta biba.

E incidente ta yega mientras un scandal di corrupcion ta menasa di atrapa circulo interno di Milei, incluyendo su ruman muher y chief of staff, Karina Milei, kende tabata coriendo diaranson den un pickup banda di e presidente y candidatonan clave di nan partido den gobierno, La Libertad Avanza, ora piedra, boter y otro obheto a cuminsa cay riba nan.

Tabatin panico y confusion mientras sostenedornan alegre y manifestan-

Argentina: Manifestante ta tira piedra riba convoy di presidente Milei mientras e ta campaña

tenan rabia a primi riba caravana di Milei na Lomas de Zamora, historicamente sede fuerte di Peronismo, e movimiento populista di oposicion enfoca riba derecho di trahadornan cu a domina politica Argentino durante ultimo ocho decada.

Gara di sorpresa, Milei a sconde den e vehiculo mientras agentenan di seguridad a lucha pa proteg’e di piedra biniendo net riba nan cabes.

Partido di Milei ta buscando di logra un victoria riba Peronismo dia 7 di september den eleccion legislativo na Provincia Buenos Aires y expande su minoria den congreso nacional, controla pa oposicion, den eleccion nacional di medio termino dia 26 di october.

E eleccionnan ta considera ampliamente como un test di popularidad y prestacion economico di Milei dos aña despues cu e comentarista di television libertario a keda eligi riba un promesa pa elimina e deficit fiscal cronico di e pais y caba cu inflacion.

Legisladornan di oposicion siman pasa a pasa varios medida di gasto cu ta menasa di deshaci di e surplus cu Milei a crea den presupuesto, subrayando e riesgo di eleccion di medio termino.

Milei a cumpli cu su promesa emblematico di baha inflacion, bahando e aumento di prijs mensual di 25 por ciento na december 2023 na apenas

1.9 porciento luna pasa cu su programa di shock fiscal.

Pero e ta enfrenta cantidad di reto mientras poder di compra ta baha y desempleo ta aumenta.

E tiramento di piedra a pone un fin abrupto na e caravana di campaña di Milei, organisa diaranson como un muestra di forsa politico na e provincia den bataya. Un legislador di La Libertad Avanza, Jose Luis Espert, hasta a subi un motorcycle aparentemente di un sostenedor y a huy di e escena sin helmet.

Milei y resto di su entourage a ser hiba riba un vehiculo sigur bao di e yobida di obheto tira y evacua for di e pueblo. Algun ora despues, e presidente a post un potret riba X dunando un thumbs-up banda di su ruman muhe y legislador Luis Espert, mustando desafiante y ileso. Den e leyenda, el a culpa e atake riba su enemigonan eterno, siguidornan di poderoso ex-presidente Cristina Fernandez de Kirchner (2007-2015). “Kirchnerismo nunca mas!” el a skirbi, usando e termino pa e forma iski-erdista di Peronismo di Fernandez.

Minister di Seguridad, Patricia Bullrich similarmente a acusa movimiento politico di Fernandez di “pone e presidente y pueblo y famianan cu tabata compan’e den riesgo.”

Fernandez ta keda e lider mas influyente den Peronismo, hasta mientras un condena pa corrupcion na juni a

prohibie di politica pa resto di su bida y a pon’e den aresto domiciliario. E ta enfrenta huicio pa varios otro caso di corrupcion.

Rabia publico tocante e acusacionnan di corrupcion entre elite politico di Argentina fin di 2023 a yuda impulsa e Ascension meteorico di Milei, e tempo aya un outsider politico cu a rifa su salario mensual como legislador.

Pero su critica contra e sakeo di e Peronistanan, pa largo dominante, y promesa pa basha e swamp proverbial na Argentina, solamente a haci e critica mas skerpi contra su intentonan pa enriquece di e presidencia den lunanan recien.

Den mensahenan di audio cu a leak siman pasa, e presidente di agencia di discapacidad Argentino por ser scucha supuestamente discutiendo pago di soborno haci na Karina Milei y su consehero clave.

Un di e manifestantenan na e rally na Lomas de Zamora a cita e scandal, como tambe e medidanan pisa di austeridad di Milei, como motibo pakico el a protesta contra e caravan. “Bo nunca kier violencia, pero tin asina hopi inhusticia y hipocresia,” Joel Dominguez a bisa. “Mi tin un yiu cu discapacidad, y e ta dal nos directamente. No tin reflexion of auto-critica pasobra e no ta worry.”

Cardi B ta testigua cu e no a mishi cu security guard ken ta demandando e pa asalto

(AP)—Cardi B a testigua diaranson cu e no a mishi cu e security guard ken ta acusando e rapper di corte su cara cu un huña y a scupi riba dje den un pleito pafo di oficina di un obstetrica durante e strea su prome embarazo.

“E no por a haya ningun rasca fo’i mi pasobra mi no a mishi cune,” cardi a bisa den asiento di testigo durante e segundo dia di testimonio den un corte den Condado di Los Angeles.

Ron Rosen Janfaza, abogado pa e demandante, Emani Ellis, a puntr’e si e tabata rabia. “Si mi tabata rabia! Pasobra mi tabata na estado!” Cardi a contesta. “Y e mucha ki ta di golpia mi!”

El a reconoce cu e pleito a

bira hopi tenso—ripitiendo den corte e palabranan malo cu nan a tira pa otro—y cu nan tabata hopi cerca di otro na dado momento, pero a bisa cu e pleito nunca a bira algo fisico. “E no a mishi cu mi,” Cardi a bisa. “E ta di bay mishi cu mi, pero e no a logra.”

Cardi a bisa cu e tabata bishitando Los Angeles haciendo trabao promocional den februari 2018. E tempo ey e tabatin cuatro luna na estado di su prome cu rapero Offset. El a conta su sernan keri cu e tabata na estado, pero ainda no e publico ni su mayornan.

E oficina di obstetrica a keda cerca pa otro pashentnan riba un diadomingo pa garantisar su privacidad. El a bisa cu Ellis, un security guard di e edificio, a siguie te na e di

cinco piso. Cardo a bisa cu el a tende Ellis bisa su nomber durante un yamada y tabata parce di grab’e. Cardi tabata preocupa cu Ellis lo revela cu e tabata na estado.

“Mi a bis’e, ‘Pakico bo ta grabando mi?’” Cardi a testigua, “y el a bisa, ‘ah sorry.’ El a pidi despena.”

Pero a pleito a sigui bira mas tenso, el a bisa. “Mientras nos tabata den pleito, e ta hinca mi den skina, canando den mi direccion,” Cardi a bisa. Ambos muher tin 32 aña y ta casi mesun halto.

Bao cuestionamento mas amigable for di su mesun abogado, Cardi a splica pakico el a mantene su embarazo secreto e tempo ey, siete luna despues di saca su prome single y hit grandi, “Bodak



Yellow,” ora e tabata ainda den su “añanan nobato” di fama. “Mi tabata custumando cune,” el a bisa. “Mi tabata djis preocupa tocante kico tur hende tabata bisando y pensando. Mi a pensa cu mi tabata desapuntando hopi hende.”

Pero el a bisa, fuera di esey, e ta protege su privacidad ora ta trata di asuntonan medico, “specialmente algo asina sagrado manera un embarazo. E ta di bo.”

Un gran pida di su testimonio tabata riba e huñanan acrylic cu stenci cu Cardi tabatin siman pasa, y si e por haci e daño cu e demandante ta alega. “E no tabatin un forma cu lo por haci daño, e tabatin forma di ‘coffin,’” el a bisa. “Nan no tabata skerpi.”

Ellis a testifica mas trempan den e huicio cu e incidente a lag’e humilia y traumatiza, y e cicatriz riba su cara a rekeri operacion cosmetico. Ellis, ken a perde su trabao pa via di e incidente, ta buscando compensacion pa e dañonan cu ta inclui gastonan medico,

compensacion pa sufrimento emocional y fisico, y salario perdi. E no a especifica e suma total den e demanda pero Cardi a bisa cu e tabata “demandando mi pa 24 miyon dollar.”

Tierra Malcolm, e recepcionista di e oficina di dokter cu a para memey di e dos muher y a stop e pleito, a duna testimonio diaranson cu ta sostiene mayormente Cardi su perspectiva. El a bisa cu el a tende zonido pafo pero no a mira ningun hende brindando. Despues el a nota un rasca riba su mesun cara cu el a asumi a bin for di Ellis, pasobra e tabata para dilanti dje cu su lomba pa Cardi.

Ora a puntr’e pa caracteriza e pleito, Malcolm a bisa cu e no tabata sigur si e por a bisa palabra malo den corte. “Nos a tende casi tur cos te awo, pues ta OK,” hues Ian C. Fusselman a bisa, hayando algun risa den sala.

Ta anticipa cu e huicio lo tuma henter e resto di siman y ta anticipa pa resumi, y conclui, otro siman.



CENTRALE BANK VAN ARUBA

The Central Bank of Aruba (CBA) plays an essential role in ensuring financial stability and promoting a sound monetary and financial system in Aruba.

**We are looking for a President for the Central Bank of Aruba
Fulltime | Oranjestad, Aruba**

As President of the CBA, you are ultimately responsible for formulating and implementing monetary policy, promoting the stability of the financial system, and safeguarding the integrity of the financial sector. The President acts as an independent authority within the legal framework of Aruba as laid down in the National Ordinance on the Central Bank of Aruba and reports to the Minister of Finance. You lead the organization and represent the CBA both nationally and internationally.

Job Requirements

- A completed university degree in general or monetary economics;
- In-depth knowledge of monetary economics, financial markets, and public finance;
- Thorough understanding of financial-economic legislation and international standards;
- Insight into corporate governance, risk management, and compliance;
- Preferably knowledge of finance and accounting;
- Familiarity with the legal and institutional frameworks of central banks.

Competencies

- Excellent strategic and managerial insight, combined with strong environmental awareness;
- Inspiring and directional leadership, with an innovative and results-oriented approach;
- Strong analytical and problem-solving skills;
- Integrity, empathy, and decisiveness;
- Excellent communication and diplomatic skills;
- A natural talent for negotiation and persuasion;
- Strong networking skills and a connecting style of working;
- Understanding and respect for Aruban culture and society;
- Proficiency in Dutch and English, both spoken and written;
- Proficiency in Papiamentu or willingness to learn it.

The appointment is for a period of 5 years with a one-time possibility of reappointment for an additional 5 years. Employment conditions to be agreed upon.

Please submit your application and any questions via email to recruitment.president@cbaruba.org by September 7, 2025.

Interviews, assessment and pre-employment screening form part of the hiring process.



FIND US ON
TikTok
[@bon.dia.aruba](https://www.tiktok.com/@bon.dia.aruba)

ALSO AVAILABLE ON

f i x g

Fayecemento di hues Frank Caprio ta laga esnan di luto recorda su compasion cu a atrae fanaticonan online

(AP)—Hende rond mundo a para pa duna tributo na Frank Caprio, un hues municipal pensionado cu a haya fama online como un hues empatico y anfitrión di “Caught in Providence,” na servicionan di entierro cuminsando diahuebs na Rhode Island.

Caprio, ken a gana curason cu e sentido y humor y compasion cu el a trece den sala di corte, tabatin cancer di pancreas y a fayece dia 20 di augustus cu 88 aña. Su famia a bisa nan ta emocionan pa e sosten enorme desde Caprio su fayecemento y e “miles di peticion di hende rond mundo” cu kier a resa cu e famia durante entierro di Caprio.

Caprio su yiu homber, David, a duna bon bini na miembronan di publica cu a asisti na e servicio diahuebs y misa di entierro na Providence’s Cathedral of Saints Peter & Paul, cual lo pasa via livestream riba e rednan social di e ex-hues. Den un entrevista via yamada cu AP, el a bisa cu fanaticonan di su tata tabata biahando pa Rhode Island for di te Filipinas pa asisti na su entierro.

“Bo amor di berdad ta yudando nos durante e tempo dificil aki,” David Caprio a bisa den un video publica riba red social.

Hues conoci pa su amabili-



dad Caprio a yama su sala di corte un luga “unda hende y caso ta haya tratamiento amable y compasion.” E tabata conoci pa descarta boetnan y muestra amabilidad hasta mientras e ta entrega husticia. E programa, produci pa su ruman homber, a core pa mas cu dos decada riba television local te ora cu el a cay bao di control nacional na 2018. Caprio a retira for di husticia na 2023.

Videonan for di e programa a mira mas cu 1 biyon view riba red social. Su videonan mas popular tabata esnan unda el a yama muchanan dilanti pa yuda entrega husticia riba nan mayornan. Un tabata muestra e scuchando simpaticamente na un muher di ken su yiu homber a ser asesina y a descarta su boetnan

di 400 dollar.

Residente di Providence Freida Adams, ken a warda den liña pa duna tributo na Caprio diahuebs, a bin dilanti

e hues na corte pa un boet di trafico—un interaccion cu e nunca a lubida. El a bisa cu Caprio a puntr’e pa conta su storia, y el a cont’e cu tin añas como mama di acogida pa 27

mucha. Caprio a keda emocional pa su storia.

“E tabatin asina hopi compasion y amor. El a bisa, ‘Bo sa? Mirando cu bo ta un mama di acogida, bo no mester pag’e,’” el a bisa. “Esey ta e tipo di amor cu e hues ey tabatin pa tur hende. E tabatin bon norma y e tabata stima tur hende y no a trata ningun hende diferente.”

Adams a bisa cu el a yora ora el a haya sa cu Caprio a muri. “Si mas hues tabata manera e, mundo lo ta un luga miho pasobra e tabata un hues husto, e tabata un hues cariñoso y un berdadero homber di Dios,” el a bisa. “Mi no lo a perde su entierro pa nada di mundo pasobra esey ta con hopi respet mi tin pa e hues.”



ALL YOU CAN EAT A-LA-CARTE

Sunday Brunch

\$60
PER PERSON

From 11am to 3pm

Please call 586-7800 ext. 231 or 242
E-mail: tdsba1@iberostar.com
www.tierradelsol.com

Ciclista Chris Froome ‘stabiél’ pero mester cirugia despues di accidente den training na Francia

(AP) — Cuatro-biaha campeón di Tour de France, Chris Froome a haci cirugia diahuebs despues di un “accidente serio den training” cu a mira e ciclista Britanico transporta via helicopter na un hospital na Francia.

Team Israel-Premier Tech di Froome a bisa cu e tabata “stabiél y no a sufri ningun lesion na su cabes,” pero a agrega cu scan a confirma pneumothorax, cinco ribchi kibra y un fractura den verte-bra lumbar.

Un helicopter a transporta Froome na hospital dianson despues di e accidente, cu a tuma lugar mientras e tabata train cerca di Saint-Raphael. Su team a bisa cu “ningun otro ciclista ni vehiculo tabata involucra” den e accidente.

Su ultimo victoria tabata den Giro d'Italia na 2018. E tambe a gana e Vuelta Spaño dos biaha, na 2011 y 2017, ademas di su cuatro victoria den e Tour - e prome na 2013 sigui pa un hat trick di titulo di 2015-2017.

Froome, 40, nunca a bolbe na su miho nivel anterior despues di un accidente den training na Criterium du Dauphine na 2019, un evento cu e tabata usa pa finalisa su campaña pa empata e record pa un di cinco titulo di Tour. Den e accidente el a kibra su femur banda drechi, elleboog y ribchi.

E incidente mas recien aki por nifica e fin di carera di Froome, ya cu su contract cu Israel-Premier Tech - cu el a join na 2021 - ta yegando su fin.



Homber aresta pa abuso online di defensa Ingles, Jess Carter na Euro 2025



(AP) — Polis a aresta un homber en conexion cu un investigacion tocante abuso online contra defensa Ingles, Jess Carter durante e Campeonato Europeo femenino e berano aki.

Polis di Lancashire a aresta un homber di 59 aña di Great Harwood diahuebs, “sospecha di comunicacion malicioso relaciona cu algun di e mensahenan.” El a keda liber bao investigacion.

“E mensahenan dirigi na Jess

Carter tabata horibel y mi lo kier elogi’e pa para contra e abuso aki y asisti den nos investigacion.” segun chief constable di Cheshire Constabulary, Mark Robberts, cabes di polis pa futbol. “Niun hende mester ser someti na abuso askeroso asina, y mi ta spera cu e aresto awe ta bay ta e prome di hopi den proximo lunanan.”

Carter, kende tin un tata Africano-Mericano y ta hunga su futbol di club pa Gothan FC Na Merca, a revela luna pasa durante e torneo na Suisa cu el a bira victima di abuso ra-

cial online mientras e tabata competi den Euro 2025, cual Inglatera a gana.

Hefe ehecutivo di Asociacion di Futbol, Mark Bullingham a bisa e tempo aya cu e cuerpo gobernante inmediatamente a tuma contacto cu polis na Reino Uni. “Nos kier laga cla cu abuso racial di e naturalesa aki no ta bay ser tolera,” Roberts a agrega. “Tur hende ta responsable pa loke nan ta haci y bisa, y nos kier sigura cu esnan cu ofende no por sconde tras di un perfil di rednan social pa post comentarionan cruel.”

Venus Williams ta gana un partido di doubles durante US Open pa prome biaha desde 2014



(AP)—Venus Williams a gana un partido di doubles hende muher durante US Open pa prome biaha den mas cu un decada—y e biaha aki sin su ruman muher, Serena—hungando hunto cu Leylah Fernandez diahuebs pa derota e duo di seis seed Lyudmyla Kichenok y Ellen Perez 7-6 (4), 6-3.

E atleta a haci su accion signatura di draai y zwaai man ora e wega a caba y a yama Fernandez, ken tin 22 aña di edad, “e miho partner cu mi a hunga cune—banda di Serena.”

Williams y Fernandez, e runner-up di singles na 2021 na Flushing Meadows, tabata faboritonan den e Louis Armstrong Stadium cu tabata

casi yen, y e umpire mester a puntra e multitud varios biaha pa keda keto.

E spectadornan a duna Williams y Fernandez un aplauso para despues cu nan a tuma e tiebreaker di apertura a pesar di keda atras 5-2 den e set ey—y a lanta trobe pa aplaudi ora e partido a caba.

Tabatin cantonan di “Here we go, Venus, here we go!” y borchinan den tribuna cu tabata bisa, “Welcome to the Williams show.”

“Wow,” Williams a bisa den su entrevista riba cancha. “Danki guys. Danki pa ta aki pa nos.”

E no a gana e doubles hende muher na New York desde 2014, ora e y Serena a yega te na cuartofinal, of na cualkier torneo di Grand Slam desde e French Open na 2018. E ul-

timo di e 14 campeonatonan grandi di e rumannan den doubles hende muher a bin na Wimbledon na 2016.

E Williams mas grandi tambe a gana siete titulo di Grand slam den singles, y dos otro den mixed doubles. El a keda afo di e tour pa 16 luna te ora el a regresa na accion hungando singles y doubles na Washington na juli. Na Flushing Meadows, Wil-

iams a perde den e prome ronda di mixed doubles y singles, despues a haya un wild card pa doubles hende muher. Den singles, Williams a pusha e di 11 seed Karolina Muchova pa tres set prome cu a sali dialuna anochi.

Diahuebs Williams a hunga doubles na un partido grandi pa prome biaha desde e US Open na 2022, Serena su ultimo torneo.



Ex atleta di MLB Mark Teixeira ta postula su mes pa asiento den US House na Texas

(AP)—Ex-strea di Major League Baseball, Mark Teixeira, a anuncia diahuebs cu e ta postula su mes pa e nominacion Republicano pa un asiento den House na Texas.

E ex-slugger pa e Texas Ranger y New York Yankees a bisa cu e ta campanando pa e di 21 asiento di Distrito actualmente ocupa pa representante Republicano Chip Roy. Roy a bisa cu e no ta buscando pa reeleccion y ta campanando pa Procurador General na Texas.

“Como un Texano orguyoso y conservativo cu ta stima nos pais, mi ta cla pa bringa pa e principianan cu ta haci Texas fuerte y Merca excepcional,” Teixeira a bisa den un declaracion publica riba X. “Ta tuma teamwork pa gana, y mi ta cla pa defende e agenda di Merca Prome di presidente Trump, famianan di Texas y libertad individuo.”

Teixeira a cuminsa su carera cu e Rangers, y tabata e di 5 escogencia general den e reclutamento di MLB na 2001. Su carera di 14 temporada a inclui tres aparencia den

All-Star Game, cinco Gold Gloves, tres Silver Sluggers y un titulo di World Series cu Yankees na 2009. Teixeira y su famia a muda back pa Texas na 2021 despues cu el a retira di baseball.

Den su anuncio, Teixeira a priminti pa traha cu Trump pa sigura e frontera y caba cu “indoctrinacion libertario radical.”

E eleccion primario Republicano di e distrito ya tin un otro candidato—Daniel Betts, ken a campana sin exito pa abogado di distrito di Con-



dado di Travis aña pasa, a entrega documento pa participa.

E 21 Distrito Congresional ta cubri un area profundamente conservativo di ambos Austin y San Antonio. Teixeira a

anuncia su postulacion algun dia despues di Republicanonan den e Legislatura estatal a aproba un mapa di redistribucion di distrito electoral pa faborece e Republicanonan den e eleccion di 2026.



(AP) — E final di Champions League masculino ta bay cuminsa tres ora mas trempan, pa 6pm ora di Europa Central, segun UEFA a bisa ayera.

Final di Champions League mas trempan pa yuda fanatico, famia y ciudad anfitrión

Miho pa famia y mucha presencia y mira riba television, usa transporte publico despues di e wega, y pa fanaticonan celebra despues di e partido na e ciudadnan anfitrión, e cuerpo di futbol Europeo a bisa.

E inicio anterior ta bay ser usa pa e proximo final di asabra, 30 di mei na Puskas Arena na Budapest, Hungria. E final ta tuma lugar riba di asabra desde 2010.

E inicio di 9pm den añanan recién ta nifica un wega cu a bay den tempo extra y tiro di penalty lo caba net prome cu mey anochi ora local. “E orario nobo pa inicio ta alinea cu un bentana mas accesible di transmision, yudando e final alcanza un audiencia mundial mas amplio ainda riba television y digital, cu enfoca particular riba atrae publico mas jong,” UEFA a bisa den un declaracion.

es di combersacionnan cu e grupo di Sostenedornan di Futbol Europeo cu ta e liaison oficial di UEFA tocante asunto di fanatico.

“Un inicio mas trempan ta haci trip durante dia mas realistico, ta reduci stress di biahe y ta permiti fanaticonan disfruta e ocasion sin preocupa tocante logistica di anochi laat,” director ehecutivo di Sostenedornan di Futbol Europeo, Ronan Evain a bisa.

A yega na e decision despu-

Messi su retiro emocional: E lo hunga su ultimo wega di cualificacion pa Copa Mundial



(AP)—Lionel Messi no a anuncia ainda ki ora e tin planea pa retira di futbol, pero e sa cu e partido di otro siman contra Venezuela lo ta su ultimo partido hungando na cas den un wega di cualificacion pa Copa Mundial cu e equipo nacional di Argentina.

“E ta bay ta hopi special pa mi pasobra e ta e ultimo wega di cualificacion,” Messi a bisa diaranson anochi despues cu

Inter Miami a progresa pa e final di Copa di Liga despues di derota Orlando City.

Argentina, cu un luga caba sigura den e Copa Mundial di otro aña, lo anfitrióna Venezuela otro siman diahuebs na e Stadion Monumental na Buenos Aires pa e penultimo ronda di cualificacion Sur America. Su ultimo wega lo ta na Ecuador dia 9 di september.

Messi a duna hint cu e lo re-

tira for di e equipo nacional despues di Copa Mundial otro aña, unda Argentina lo defende nan titulo di Qatar 2022. E wega di cualificacion pa Copa Mundial 2030 lo cuminsa na 2027, ora e strea di futbol lo tin 40 aña.

“Mi no sa si lo tin weganan amigable mas despues (di Venezuela), pero e ta un wega special, pues mi famia lo t’ey cu mi: mi casa, mi yiunan, mi mayornan, mi rumannan,” Messi a bisa.

Despues di Messi su declaracionnan, CONMEBOL, e curpa gobernante di futbol den Sur America, a skirbi riba red social cu “e ultimo baile ta biniendo,” cu un potret di Messi den un T-shirt di Argentina.

Mientras tanto, e Asociacion di Futbol Argentino (AFA) ta purbando di capitalisa riba



Messi su ultimo wega por medio di hisa prijs di ticket, unda esun mas barata lo ta

100 dollar y esun mas caro casi 500 dollar.

Benta di chip di AI di Nvidia a aumenta atrobe durante e ultimo kwartaal, pero preocupacion di un inflacion tecnologico ta persisti

AP) — Benta di e chip-setnan di inteligencia artificial di Nvidia a keda un producto popular durante e ultimo kwartaal di e compania, pero e demanda no tabata intenso suficiente pa lubida preocupacionnan recien cu e explotacion di AI por ta bayendo.

E resultadonan anuncia di aranson tabata hopi anticipa pasobra Nvidia a surgi como un barometro clave di un explotacion di AI di dos aña cu tabata impulsa e mercado di stock na halturanan nobo. E fabricante di chip di Silicon Valley tambe a bira e prome compania negocia publicamente pa alcanza un balor di mercado di \$4 triyon.

Sinembargo, den siman nan recien, rapportnan di investigacion y comentario di ehecutivo prominente di tecnologia a aumenta e miedonan di inversionista cu e popularidad di AI a ser exagera.

Y awor e ultimo cifra di Nvidia cubriendo e periodo mei-juli por alimenta e bista



nan ey pasobra e benta di e procesadornan di e compania — componentenan indispensables den e centronan di dato di AI cu ta ser construi rond mundo — no ta creciendo mesun robustamente manera nan tabata antes. E lansamento fin di 2022 di ChatGPT di OpenAI a lansa un fenomeno tecnologico cu ta cuminsa remodela sociedad.

E chipnan di AI ta parti di e division di centro di dato di Nvidia, cu a publica un entrada di \$41.1 biyon, un aumento di 56% for di e mesun tempo aña pasa, pero mas abao cu e pronostico di

analista di \$41.3 biyon, segun FactSet Research.

Asina mes, e ganashi di Nvidia di \$26.4 biyon, of \$1.08 pa stock, tabata mas halto cu analistanan a pronostica, manera tambe su entrada total di \$46.7 biyon — tambe un aumento di 56% for di aña pasa.

Nvidia a señala cu e ta kere cu mas cos bon ainda ta bin door di pronostica un entrada di \$54 biyon pa e periodo augustus-october, un poco mas halto cu loke analistanan tabata imagina pa e kwartaal. “Nos ta na cuminsamento di e construccion,” director ehecutivo di Nvidia Jen-

sen Huang a bisa analistanan durante un conferencia via telefon diaranson caminda e compania a pronostica cu otro \$3 triyon te \$4 triyon lo ser gasta riba iniciativa di AI te na fin di e decada aki.

Pero e stock di Nvidia ainda a cay 3% durante negociacion extendi despues cu e rapport di dos kwartaal fiscal a sali, indicando cu nan no a produci suficiente resultado pa kita e miedonan di inversionista. Un desilusion tabata casi inevitabel, ya cu e prijs di stock a aumenta pa mas cu 10 biaha durante e dos aña y mita pasa. “Pa bisa cu e stock tabata bala pa perfeccion lo ta un subestimacion enorme,” e analista di Investing.com Thomas Monteiro a bisa.

Entrega e tipo di crecimiento pa pusha Nvidia pa un balor di mercado di \$5 triyon a bira mas formidabel mientras e benta anual di Nvidia a aumenta for di \$44 biyon den su fiscal 2024 pa un proyecta \$204 biyon den e aña fiscal actual di e compania cu ta caba na januari. Esaki a resulta den crecimiento di entrada progresivamente mas

slow di aña pa aña. Despues cu e entrada di Nvidia por lo menos a reduplica of triplica for di e aña anterior durante 5 kwartaal consecutivo durante 2023 y 2024, e crecimiento ta disminuyendo durante e ultimo 4 kwartaal.

Trump a restringui China for di Nvidia na comienso di e luna aki den cambio pa un recorte di 15% di e benta di e compania den China — un compromiso cu ta spera pa yuda aumenta entrada durante e lunanan binidero aunke no ta cla con rapido esey lo sucede. Den e escenario mas faborabel, Nvidia por haya \$2 biyon te \$5 biyon den benta di chip di AI na China, segun Colette Kress, e director financiero di e compania.

Mientras e industria di tecnologia a bira e beneficiario mas grandi di AI, e tambe a bira un bendicion pa e mercado di stock en general. E benchmark S&P 500 a gana 69% desde fin di 2022, cu intensidad di AI alimentando hopi di e optimismo di inversionista.

Cambio climatico a causa e candelanan feroz na Turkia Grecia y Cyprus pa bira mas intenso, segun estudio

(AP) — E cambio climatico cu a impulsa temperatura halto y yobida disminuyendo a haci e candela masivo na Turkia, Grecia y Cyprus e zomer aki kima mucho mas intenso, segun un estudio nobo publica diabierna.

E estudio pa World Weather Attribution a bisa cu e candela cu a mata 20 persona, a forsa 80.000 pa evacua y a kima mas cu 2.47 miyon acre, tabata 22% mas intenso na 2025, e aña di candela mas grave registra di Europa.

Centenares di candela cu a sucede den e Mediteraneo oost den juni y juli a ser causa pa temperatura mas halto cu 40 grado Celsius, condicionnan extremadamente seco y biento fuerte.

WWA, un grupo di investigadornan cu ta examina si y na cual grado eventonan extremo di clima ta relaciona cu cambio climatico, a yama su resultadonan “preocupante.” “Nos estudio ta haya un se-

ñal di cambio climatico extremadamente fuerte dirigi na condicionnan mas cayente y mas seco,” Theodore Keeping a bisa, un investigador na e Centro pa Politica Ambiental na Imperial College na London.

“Awe, cu 1.3 grado Celsius di calentamento, nos ta mirando un extremo nobo den e comportamiento di candela cu a pusha bomberonan na nan limite. Pero nos ta dirigi pa te na 3 grado Celsius e siglo aki menos mientras paisnan ta transiciona mas rapidoleu di combustibel fossiel,” Keeping a bisa.

E estudio a haya cu yobida di sneeuw prome cu candela a cay pa aproximadamente 14% desde e era pre-industrial, ora un dependencia pisa riba combustibel fossiel a cuminsa. E tambe a determina cu debi na cambio climatico, periodonan di un siman di aire seco y cayente cu ta prepara vegetacion pa kima awor ta 13 biaha mas probabel.



E analisis tambe a haya un aumento den e intensidad di sistema di presion halto cu a fortalece biento norte extremo, conoci como biento Etesian, cu a intensifica e candela.

Gavriil Xanthopoulos, director di investigacion na Instituto di Ecosistema di Mondi Mediterraneo di e Organizacion Agricola Griego na Grecia, a bisa cu bomberonan

por a anticipa pa e bientonan aki pa muri pa controla candela.

“Ta parce cu nan no por conta riba e patronchi aki mas,” Xanthopoulos a bisa. Tin mester mas estudio pa compronde con e patronchinan di biento ta yega na velocidad halto mas frecuente, el a bisa. Flavio Lehner, un profesor asistente na ciencia di tera y atmosferico na Universidad

di Cornell cu no tabata envolvi den e investigacion di WWA, a bisa cu su resumen y figura clave tabata consistente cu literatura existente y su comprension di con cambio climatico ta haci clima mas favorable pa candela.

Cambio climatico ta “responsable pa mas temporada di candela feros” den e Mediterraneo, Lehner a bisa.

Opinion ta un seccion di **Bon Dia Aruba** specialmente pa brinda oportunidad na lectoran individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organizacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

OPINION



Un ensayo di Vivienno Frank, Sr. Ochenticinco aña un kadaster na Aruba Su historia y retonan



Antes, desde final di siglo diesocho te 1940, e midimento pa otorga of pa particion di tereno aki na Aruba tabata sosode na un manera simpel y door di un "Rooimeester". Su instrumentonan tabata di tal indole cu e por a midi e angulonnan directo y e distancianan indirecto. E ultimo Rooimeester tabata señor J. K. Zepp Lampe d.f.m. cu tabata Hoofd di Julianaschool. E tabata pone e resultado di su midimento den un "Rooibrief" y cu esey e personanan concerni tabata bay notario pa haci e traspaso di e tereno. Na 1940 Aruba a haya un Kadasterkantoor, combina cu e ya existente Hypotheekbewaring. E pensamiento tabata ta pa cuminsa cu un Kadaster real pa Aruba; esey kierenen midi y pone henter Aruba riba un mapa kadastraal y registra tur parcelanan cu nan propio identificacion den e registranon, cu tambe lo wordo genera y cu e Codigo Civil ta existi.

A cuminsa cu revisa e red triangular (driehoeksnet/grid) di aña 1909, cual a wordo estableci pa e prome mapa topografico completo di Aruba. Pero pa motibo di e comienso di Guerra Mundial II no tabata por haya geodesistanan for di Hulanda pa cuminsa cu e trabao, pero e kantoor a cuminsa duna servicio di midimento di tereno, na un manera mas profesional cu e personal di nivel medio, y documenta esaki den forma di un "Meetbrief". Despues di e fayecimento di e Rooimeester, Kadaster a keda e unico servicio legal pa traha documento di tereno pa bay notario. Despues di e guerra algun geodesista na nivel intermedio y nivel cientifico a bini foi


Hulanda. E trabao di kadastramento a cuminsa y esaki a cuminsa cu Oranjestad y cu e metodo cu awo ta wordo yama ortodox. E instrumentonan cu tabata wordo uza tabata e teodolit pa intensifica e red, e meetband (tape/cinta metrico), un prisma special pa construi angulo di nobenta grado y jalonnan pinta blanco cu cora. Na 1958 Gobierno a dicidi di accelera e trabao cu e metodo di traha mapa via fotonan aereo (luchtkartering) cu a resulta den e GBKA (Grootchalige Basiskaart Aruba = Mapa Basico riba scala Grandi). Na 1959 y 1960 a bolbe Aruba e prome tres Arubianonan cu a bay studia geodesia na nivel di HBO. E ingenieronan aki hunto cu e grupo na nivel intermedio cu entre nan cuatro hoben Arubiano cu a sigui un curso di cuatro aña na Aruba mes, bao guia di esnan na nivel cientifico y HBO. Tabata tin suficiente personal pa e trabao di kadastramento y pa sigui midi parcelanan pa traha meetbrief den e regionnan cu no tabata kadastra. Cu tur e personal motiva y dedica e trabaoonan tabata bay "biento en popa". E trabao den e solo no tabata facil y riba dje e cherchamento cu hopi biaha e empleado ta haya di e publico cu no conoce e trabao, pakico e ta wordo haci y tampoco e estudio relativamente pisa tras di geodesia. E ciencia di geodesia por wordo describi manera lo siguiente: "Geodesia ta e ciencia di midi y compronde e forma geometrico di Tera, orientacion den espacio y campo di gravedad. E ta un tereno cu ta encera midimento y calculacionnan precies pa crea modelonan di nos planeta cu ta esencial pa varios aplicacion, incluyendo nabegacion, ciencia di clima i maneho di recurso".

Pero den e memey di 1964 e team a wordo kibra door cu a manda un ingeniero Bonaire y un ingeniero y un na nivel intermedio pa St. Maarten. Na fin di 1969 Aruba a haya un ingeniero mas cu a caba di gradua, pero despues di un aña e a tuma e puesto di hefe di domeinbeheer na St. Maarten. E team a keda cu dos miembro solamente. Na 1975 Aruba a cuminsa un curso atrobe cu a termina na 1982. Pero nan no tabata cla ainda pa e trabao complica di kadastra y nan tabata haci mas e trabao pa emiti meetbriefnan. Door di retironan y promocion e trabao di kadastra a stagna y e personal cu a keda tabata haci e trabao di midimento solamente pa traha meetbrief. Na 1986, na entrada di Status Aparte, e servicio di midimento di DOW a uni cu Kadaster bao e nomber Dienst

Landmeetkunde en Vastgoedregistratie (DLV). Pero cu e subida di e economia den e decada di nobenta cu a trece un pedido grandi di parcela pa construi, Gobierno a dicidi di trece un cambio den e Kadasterverordening; e cambio cu ta conoci bao di e nomber Meetbrievwet, cual ta bisa cu no ta necesario midi mas prome cu haci e traspaso, pero un descripcion exacto y un "landmeetkundige tekening" den e acta notarial ta suficiente. E cambio aki a kita e exigencia den e Landsverordening original cu midimento mester tuma luga prome cu haci e traspaso di tereno. Pero nunca e division tecnico di DLV a haya un Decreto Ministerial (MB), manera un estado di derecho ta existi, con pa determina y regula e limitenan di e parcela nobo y bieu (grensvastlegging en -regeling); con y kico ta cobra pa e midimento (meetkosten). Mi ta calcula cu Kadaster ta sinta awo cu miles di parcelanan cu mester wordo midi; ademas pa gobierno e perdida grandi na entrada desde 1995 den adelante.

Den e decada di setenta e tecnologia electronico tabata avansa rapidamente, pero como cu e Kadaster na Aruba tabata depende di e Gobierno Antiano, e no a bay den paso cu e avancen den e ciencia geodetico. Den e decada di ochenta Aruba a cuminsa haya su instrumentonan sofisticada electronico y e sistema di midi a cambia drasticamente; e prisma y meetband a desaparece ya cu a cuminsa uza instrumentonan cu ta midi cu luz infracor y cu ta programa pa haci diferente calculacionnan. Dia 22 di februari 1978 Estadonan Uni di America a lansa su sistema di Global Positioning System (GPS) pa e uzo den su defensa; y na principio di e decada di ochenta a dun'e liber pa uzo civico tambe, pero su precision no tabata di e calidad pa uz'e den e tareanan geodetico. Kadaster mester a warda poco mas.

Inmediatamente cu Status Aparte a bin na vigor e Director di DLV a urgi e Minister concerni den funcion pa actualisa e GBKA y cuminsa cu digitalisacion di e dienst. E trabao di mapamento aereo a wordo ehecuta door di e compania Aleman Hansa Luftbild y Aruba a haya un mapa digital. Tambe a laga digitalisa e blachinan cu ya tabata kadastra y kadaster a haya un mapa completamente digitalisa. A ekipa e dienst cu computernan moderno, un programa pa diseña y un programa pa ehecuta tur sorto di calculacionnan geodetico cu e operacion



ta existi. Na E principio di Siglo 21 a converti e registranon manual pa den un databank digital. Cu e mapa y e registro digitalisa, DLV por, cu cooperacion y benevolencia di gobierno, yega na obtene un GIS (Geographic Information System = Sistema di Informacion Geografico).

Den e siguiente parti di e ensayo aki algun terminologia tecnico lo wordo menciona cu ta straño pa e laico y nan lo haci esaki mucho largo si splica nan.

Na aña 2000 President Clinton a kita tur restriccion riba uzo civico di GPS y geodesistanan por a midi cu un precision di 2 a 2,5cm. DLV a haya su aparato di GPS na 2001, pero tambe un reto nobo. El a revisa y perfecciona su red y tabata cla pa e proximo paso. Poco aña despues DLV a adkiri dos instrument di GPS mas; a pone un na Sabana Blanco y un na Savaneta y awo e tin dos base y un bon Terrestrial Reference Frame (TRF; Frame [red] di Referencia Terestre) y por midi awo cu e sistema RTK (Real Time Kinematic = Kinematico den Tempo Real) y cu un precision di 2 centimeter. Pero DLV por bay awo mas leu ainda. DLV tin sigur e "know how" den cas pa yega tambe na un Geospatial Reference Frame (GRF = Frame di Referencia Geospacial) y si incorpora esaki den e Global Geospatial Reference Frame (e sistema universal), lo ta masha beneficioso pa Aruba ya cu e GGRF ta monitoria tur fenomenonan manera p.e.: cambionan climatico, crecimiento di e nivel di lama pa motibo di e keintamento di e planeta, mareo, erosion di beachnan y linea di costa, movimiento di e plachi tectonico riba cua Aruba ta situa (p.e. Australia ta move 7cm pa aña den direccion noord noordoost), aviacion, trafico, y mucho mas. Ingresando den e GGRF nos ta mira con Aruba, un pais chikito por hunga un papel grandi y importante globalmente.

UN ta vota pa termina su forsa di mantenemento di paz den Libanon otro año despues di casi cinco decada

(AP) — Consejo di Seguridad di UN a vota unanimamente diahuebs pa termina e fuera di mantenemento di paz di UN den sur di Libanon fin di proximo año despues di casi cinco decada, cumpliendo cu demandanan di Merca y su aliado cercando Israel.

Merca, cu originalmente a pidi pa e forsa para den seis luna y despues a busca un extension final di un año, a vota en favor di un mandato final di 16 luna pa continua cu su actividadnan cerca di frontera marca pa UN entre Libanon y Israel te dia 31 di december 2026.

E forsa multinacional di mantenemento di paz a hunga un rol significant den monitoria e situacion di seguridad den sur di Libanon pa decadas largo, incluyendo durante e guerra Israel-Hezbollah año pasa. Pero el a ricibi critica for di tur dos banda y tambe di oficialnan den e administracion di Donald Trump, cual a move pa corta fondo Mericano pa e operacion, den marco di e manera cu Trump ta reconfigurando e politica exterior di Merca.

“E ambiente di seguridad den Libanon ta fundamentalmente diferente cu apenas un año pasa, creando espacio pa Libanon asumi mas responsabilidad,” Dorothy Shea a bisa, embahador interino di Merca.

Un forsa di mantenemento di paz lo bay gradualmente

E forsa di mantenemento di paz, conoci como UNIFIL, a ser crea pa vigila retiro di tropanan Israeli for di sur di Libanon despues di e invasion di Israel na 1978. Su mision a ser amplia despues di e guerra di un luna na 2006 entre Israel y e grupo militante Hezbollah.

Despues di e guerra Israel-Hezbollah di año pasa, oficialnan Libanes a pidi pa UNIFIL keda, bisando cu e ehército di Libanon cu ta sin placa y sobrecarga no por patruya tur e area su so.

Den un declaracion, prome minister Nawaf Salam a saludar e decision pa extende mandato di UNIFIL te 2026 y a gradici “tur pais amigabel den e Consejo cu a expresa



comprension pa e preocupacionnan di Libanon.”

Embahador di Israel na UN, Danny Danon, a bisa den Consejo di Seguridad cu “nos ta na un momento decisivo pa Libanon, Israel y e region, riba kico ta bin despues.”

E resolucion di UN, cu Francia a presenta, ta duna e forsa un año cuminsando dia 31 di december 2026 pa retira su 10.800 persona militar y civil y tur equipo di UN. Durante e periodo aki, UNIFIL a ser autorisa pa realisa algun actividad limita.

E resolucion ta bisa cu e meta ta pa haci gobierno di Libanon “e unico proveedor di seguridad” den sur di Libanon norte di e frontera marca pa UN cu Israel, conoci como e Blue Line. E ta pidi Israel pa retira su tropanan for di norte di e Blue Line. Danon no a menciona nada di un retiro den su palabra.

Administracion di Trump a pusha pa fin di UNIFIL

Oficialnan politico di e administracion di Trump a purba cera UNIFIL mas lihe posibel y a logra recorten grandi den fondo di Merca. Nan ta mira e operacion como un mal gasto cu ta solamente atrasa e meta pa elimina influencia di Hezbollah y restaura control di seguridad completo na e ehército Libanes.

Nacionnan Europeo, specialmente Francia y Italia, a opone contra e eliminacion rapido di UNIFIL. Nan a argumenta cu pa termina e mision di paz prome cu e ehército Libanes por ta sigur tur e frontera lo crea un vacuum unda Hezbollah lo por probecha facilmente.

Embahador adhunato di Fran-



cia na UN, Jay Dharmadhikari, a saludar e voto unanimo, bisando cu e terminacion di hostilidad entre Israel y Hezbollah den november pasa a pone Libanon riba un caminda pa recupera soberania riba tur su teritorio y pa logra estabilidad regional.

El a bisa cu operacionnan actual di UNIFIL ainda ta vital, enfatisando cu su mandato te fin di 2026 lo duna e forsa “tempo precioso ... pa traha hunto cu e capacidadnan creciente di e ehército Libanes pa soberania por ser extendi tur caminda den e teritorio Libanes.”

Dharmadhikari a adverti cu “cualkier retiro prematuro por mina of debilita” esfuerzonan aki.

Merca a elogia e progreso di despliegue di forsan Libanes, Shea a bisa, y lo sigui traha cu nan “pa amplia nan capacidad ora Libanon cumpli cu su trabao crucial di desarma Hezbollah.”

El a pidi e comunidad inter-

nacional usa e año cu ta bin pa fortifica e ehército Libanes y “pone Libanon den un posicion pa logra exito.”

Tin preocupacionnan riba estabilidad di region ora e mantenedornan di paz sali

Embahador di Algeria na UN, Amar Bendjama, representante Arabe den e Consejo di Seguridad, a enfatisa cu UNIFIL “ta keda indispensable pa estabilidad den Libanon y den e region” pasobra e ta hunga un rol clave den desescalacion di tensionnan, sostiene un alto al fuego y permiti despliegue di forsan Libanes den sur.

Bisando cu tropanan Israeli ainda ta den Libanon den violacion di acuerdonan anterior, Bendjama a adverti cu “sin termina e ocupacion Israeli di tera Arabe, paz y estabilidad den region lo keda elusivo.”

Danon di Israel a acusa UNIFIL di continuamente ignora “e crecimiento militar di Hezbollah,” dunando e grupo militante “cobertura pa forti-

fica su posicion.”

“Fortalecimiento di e ehército Libanes ta esencial si Libanon lo algun dia recupera soberania completo for di Hezbollah,” Danon a bisa.

Israel ta preparando pa avansa den dialogo cu Libanon riba cumplimento riba frontera si e pais move pa desarma Hezbollah.

Durante e periodo di retiro di un año, e resolucion di UN ta bisa, UNIFIL ta autorisa pa duna seguridad y asistencia na personalnan di UN, “pa mantene un conocimiento situacional cerca di sitionan di UNIFIL,” y pa contribui na proteccion di ciudadanonan y entrega yudansa humanitario “den limite di su capacidad.”

E resolucion ta pidi comunidad internacional “pa intensifica su apoyo, inclui equiponan, material y financiero” na e ehército Libanes.

Gobierno militar di Myanmar ta declara rebeldenan etnico Karen como grupo terrorista mientras eleccionnan ta acerca

(AP) — Gobierno militar di Myanmar a formalmente aplica diahuebs e designacion di organisacion terrorista riba Union Nacional Karen, un grupo rebelde etnico mayorista, haciendo e practicamente ilegal cualkier actividad relaciona cu nan, incluyendo contacto pa tercer partidonan.

E grupo, mas conoci como KNU y ubica den sudeste di e pais, ta luchando intermitentemente pa mas autonomia for di e gobierno central desde cu Myanmar a bira independiente di Britania den 1948 bao e nomber di Birmania. KNU ta involvi den combate

specialmente feroz contra e ehército desde cu e ehército a tuma poder di e gobierno eligi di Aung San Suu Kyi den februari 2021.

E anuncio a yega solamente cuater luna prome cu e eleccionnan planea pa e ehército cu lo cuminsa dia 28 di december, cual KNU a priminti di desbarata. E designacion terrorista lo hacie mas dificil pa realisa cualkier actividad pa obstaculisa e eleccionnan, manera campañaan di informacion no violento, cual ya a ser declara ilegal.

Television estatal MRTV a reporta diahuebs anochi cu e Comité Central Anti-Terrorismo di e gobierno militar a



nombra KNU como terrorista pasobra nan “a causa perdanan serio di seguridad publico, bida y propiedad, infraestructuran importante den e sector publico y priva, edificacion estatal, vehiculonan, equiponan y materialnan.” Un noticia separa riba MRTV

a bisa cu General Senior Min Aung Hlaing, lider militar cu ta sirbiendo como presidente interino di Myanmar, a declara KNU y su organisacionnan afilia como organisacionnan ilegal, y lo criminalisa contacto cu nan.

E Karen, mescos cu otro gruponan minoritario cu ta bibando den e regionnan fronteriso, ta lucha pa mas autonomia for di e gobierno central di Myanmar pa decadas largo.

KNU, hunto cu siete otro ehército rebelde etnico, a firma un acuerdo di alto al fuego den october 2015 cu e ex-gobierno dirigi pa ex-general Thein Sein pa pone un fin na mas cu seis decada di combatimento.

Sinembargo, e grupo a bira alia cu milicianan pro-democracia cu a ser forma despues cu e ehército a tuma poder na 2021 y a ofrece refugio na opositornan di e gobierno militar. Despues cu protestanan no violento contra e toma militar di poder a ser suprimi cu forza mortal, resistencia arma a surgi cu awor a involvi gran parti di e pais den un guerra civil.

Ademas di drenta den combate directo contra e tropa panan di gobierno militar riba e campo di bataya den estado Kayin, e sector arma di KNU, Ehército di Liberacion Nacional Karen, ta entrenando centenares hoben activista for di ciudadnan den rudimento di guerra. Estado Kayin ta conoci tambe como estado Karen.

KNU, hunto cu otro grupo minoritario etnico cu ta luchando contra e ehército, tambe a boicotia e dialogonan di paz cu e gobierno militar a propone despues di tuma poder, bisando cu nan no ta cumpliendo cu nan demandanan.

E demandanan di e grupo ta inclui retiro di e ehército for di politica, implementacion di un democracia federal y aceptacion di involucro internacional pa soluciona e crisis di e pais.

Despues di e anoncionan, MRTV a ripiti constantemente un cita di 1947 di Aung San, heroe di independencia di Myanmar, pa sirbi como advertencia pa KNU tocante nan plan pa desbarata e eleccion.

“Nos gobierno no lo keda indiferente na esnan cu ta purba desbarata e eleccion,” tabata e palabranan atribui na Aung San, tata di Aung San Suu Kyi, ken a ser deteni despues cu e ehército a tuma poder na 2021.

“Nan lo ser castiga severamente. Nos gobierno no lo interferi cu ningun hende cu ta competi libremente den e eleccion. No obstante, laga mi adverti claramente cu nos lo usa tur poder pa suprimi cualkier persona cu ta purba desbarat’e.”

KNU no a duna un respuesta inmediato na peticionnan di The Associated Press pa comentario.

Criticonan a rechasa e eleccionnan como un show pa normalisa e toma di poder di e ehército na 2021. Nan ta bisa tambe cu e disolucion di e partido Liga Nacional pa Democracia di Suu Kyi, cual a gana cu mayoria amplio den eleccionnan di 2020, ta significa cu e eleccionnan no por ser considera honesto.

Varios organisacion opositor, inclui KNU, a bisa cu nan lo purba stroba e eleccion. Gobierno militar a implementa un ley electoral luna pasa cu ta carga castigo di morto bao cierto condicion pa cualkier hende cu ta opone of ta stroba e eleccionnan.

Resultado Sorteo Augustus 28			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
8109	8884	5561	2285
8217	7628	SUPER5	5097
9381	9354	-	4689

MERDIA	ANOCHI
--------	--------

			
Sorteo # 4725	Sorteo # 8634	Sorteo #	Joker Letter
0025	7115	0 x Jackpot	Proximo Jackpot
4653	3210	0 x Match 4+	500.000,-
5049	1709	0 x Match 4	
		0 x Afl. 12,00	
X2	FP		
			
Sorteo # 4725	Sorteo # 7678		
9753	1369		
			
X3	X2		
			
Sorteo # 2781	Sorteo # 2383		
5241	8132		
			
Sorteo # 4725	Sorteo # 6437		
0115	0031		
Leo	Aries		
			
Sorteo # 1599	Sorteo # 1367		
182	568		
			
X2	X2		

	
Sorteo #	Joker Letter
0 x Jackpot	Proximo Jackpot
0 x Match 4+	500.000,-
0 x Match 4	
0 x Afl. 12,00	

	
Sorteo # 6931	Proximo Jackpot
1 x Jackpot	50.000,-
57 x Match 4	
1618 x Afl 8,00	

	
Sorteo #	Mega Ball
0 x Jackpot	Proximo Jackpot
0 x match 4	750.000,-
0 x Afl. 500,00	
0 x Afl 50,00	
0 x Afl.15,00	

	Afl. 1.125.000,-
---	------------------

	
Sorteo #	



**Cas Di Cultura**

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

**Dokter na warda**

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
Eagle : Centro Medico:
Tel. 587 9011 Tel. 584 5794

EMERGENCIA **911**

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Servicio di Taxi

**Aruba Transfer Tour &
Taxi C.A.**
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Reino Uni, Francia y Alemania ta inicia sancionnan di 'snapback' riba Iran pa motibo di estado di programa nuclear

(AP) — Francia, Alemania y Reino Uni a move diahuebs pa reinstala sancionnan di UN riba Iran pa motibo di su programa nuclear, aislando Tehran mas despues cu su sitionan atomico a ser bombardia repetidamente durante un guerra di 12 dia cu Israel.

E proceso, cu a ser yama un "snapback" pa e diplomatonan cu a negocia esaki den e acuerdo nuclear di Iran di 2015 cu potencianan mundial, tabata diseña pa ta contra veto den UN y por tuma efecto dentro di un luna.

E lo congela atrobe e activonan di Iran den exterior, para tratonan di arma cu Tehran y pone penalidad riba cu-alkier desaroyo di programa di misil balistico di Iran, entre otro medida, exprimiendo mas e economia cu ya ta cayendo.

E movida ta cuminsa un periodo di 30 dia pa e sancionnan regresa, un periodo cu probablemente lo mira diplomacia intensifica for di Iran, cual su rechazo pa coopera cu inspector di e Agencia Internacional pa Energia Atomico, IAEA, a cuminsa e crisis. Iran lo probablemente bira un topico principal den e Asamblea General di UN ora cu e reuni proximo luna na New York.

E minister di Asunto Externo di Britania, Francia y Alemania a sugeri cu nan ta mira e snapback como un manera pa stimula negociacion cu Tehran.

"E medida aki no ta señala un fin di diplomacia: nos ta determina pa saca e maximo for di e periodo di 30 dia cu



ta habri awor pa drenta den dialogo cu Iran," minister di Asunto Externo Frances Jean-Noël Barrot a skirbi riba plataforma social X.

Pero Iran di inmediato a condena e movida, unda minister di Asunto Externo Abbas Araghchi a bisa cu e tabata "sin hustificacion" y "falta di base legal" den un yamada cu su equivalentenan Europeo.

"E Republica Islamico di Iran lo duna un respuesta apropiada e medidanan ilegal y innecesario aki," el a bisa. Poco ora despues, e ministerio di Asunto Externo di Iran a bisa den un declaracion cu e movida di e paisnan Europeo lo "gravemente debilita" su cooperacion actual cu e agencia nuclear di UN.

Den pasado, Iran a menasa pa retira for di Tratado di No Proliferacion Nuclear, posiblemente siguiendo Corea di Norte, cual a bandona e tratado den 2003 y despues a construi arma atomico.

Europeonan a adverti Iran di regreso di sancionnan
E tres pais Europeo a adverti

Iran dia 8 di augustus cu por activa e snapback ora cu el a para cu inspeccionnan di IAEA despues di un atake di Israel na comienso di e guerra di 12 dia entre e dos pais den juni. E atake Israeli a mata lidernan militar principal di Tehran y a obliga Lider Supremo Ayatollah Ali Khomeini pa sconde.

E paisnan Europeo a activa e proceso di sancionnan pa medio di un carta na e Consejo di Seguridad di UN. Francia y Reino Uni tambe a pidi pa e consejo di 15 miembro tin un reunion cera diabierna pa discuti e falta di cumplimiento di Iran, segun un diplomatico cu a papia bao condicion di anonimidad pa discuti informacion cu ainda ta priva.

Usando e mecanismo di snapback lo probablemente aumenta tensionnan entre Iran y Occidente den un region cu ainda ta afecta pa e guerra Israel-Hamas den Franha di Gaza. Mientras cu e medida a ser anuncia, Israel a lansa atake contra rebeldenan Houthi di Yemen respalda pa Iran.



Aurora

Royal Pray

Funeral Home & Crematory

2 Timoteo 4:6b-8 ‘mi tempu di bai a yega. Mi a lucha e bon lucha, mi a tèrminá e kareda, mi a warda e fe; den futuro ta wardá pa mi e korona di hustisia, kual Señor, e Hues hustu, lo dunami riba e dia ei; I no na ami so, ma tambe na tur esnan ku a stima Su binida.’

Cu inmenso tristesa na nos curazon pero conforme cu boluntad di Dios nos ta anuncia fayecimento di nos mama, wela, bisawela, ruman, tanta y amiga:



Sra. vda. Catharina Franken-Farro

Cariñosamente yama “Catrien”
Propietaria di Almacen Elunid N.V.
★19-02-1938 - †14-08-2025

Mayornan: †Francisco Farro y †Petra Farro Tromp

Na number di su **Casa:** †Hyacintho Franken

Yiunan stima:

Elvira y Anibal Janga Franken
Ruby Franken
Mirela y Nelson Pernia Franken

Nieto(a)nan stima:

Marcela y Paulo Kock Janga
Francis Janga y Rosanne Tromp
Zaida Aranda Franken y Giovanni Maduro
Sergino Janga y Melony Henriquez

Bisanieto (a) nan stima:

Shaun Janga
Jayden Janga
Melina Janga
Zahirah Maduro
Zaydion Janga
Milayne Janga
Noach Kock
Michael Kock
Alisha Rodriguez

Rumannan:

†Marianita y Ovito Gomes- Farro
†Francisca y Jaime Sanchez Farro
Rosalinda y †Sonny Austin Farro
Higinio y Filomena Farro Ras
Juan y Theresita Farro Kelly
Casilda y Raimundo Statia Farro
Ramon y Karin Farro van de Berg
Alberto y Maida Farro Daflaar

Sobrino(a) nan: †Edwin Gomes, Iris Croes Gomes, Ernesto Erasmus, Ursula Figaroa Abbath, Claudia Boekhoudt Abbath, Astrid Ortela Abbath, Edison Sanchez, Martin Farro, Mirella Farro, Marlon Farro, Magaly Winklaar Farro, Joselito Farro, Eric Farro, Stanley Statia, Monique Geferts Statia, Sindy Farro, Lumaiska Werleman Farro, Darrick Farro, Alex Farro, Jessie Farro, †Joyce Farro.

Suanan y Cuñanan:

†Francisco y †Rosa Franken
†Otilio y Jolanda Franken
Carmen y Henry Russel Franken

Su ayudante: Isleidys Ballesteros

Demas famia, amigonan, conocirnan y bisñanan: Farro, Tromp, Figaroa, Franken, Frank, Kelly, Wolff, Janga, Pernia, Kock, Statia, Daflaar, Austin, Gomes, Abbath, Erasmus, Boekhoudt, Ortela, Winklaar, Davelaar, Constania, Geferts, Maduro, Werleman, Henriquez, Russel, Sanchez, Theysen, Croes, Baarh, Ruiz, Stamper.

Su rumannan di Iglesia Avivamiento Aruba – Pastora Ruby Franken, su bisñanan, su amigo (a) nan na Hulanda, Merca, Colombia y Venezuela.

Nos ta gradici tur dokternan y verpleegsternan cu a hasi tur esfuerso y bon trabao cu nos mama y Wit Gele Kruis.

Oportunidad pa condolencia:

Royal Funeral Home diabierna 29 augustus 2025 di 7:00 pa 9:00 di anochi

Nos ta invita tur famia y conocirnan pa asisti na e **acto di entierro** cual lo tuma lugar Diasabra 30 di Augustus 2025, di 2or pa 4or di atardi na Royal Funeral home. Despues e restonan mortal di nos defunto stimá Catharina lo sali pa Santana Centraal na Sabana Basora.

Nos disculpa si den nos tristesa a lubida di menciona un of otro nomber di famia y/of amistad.

Nos ta lamenta cu despues di entierro nos no por risibi bishita di condolencia na cas.

Aurora

Royal Pray

Funeral Home & Crematory



Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wèver.

Cu inmenso tristesa na nos curason, nos ta anuncia fayecimento di

Lodewica Faro

Cariñosamente yama: “Ela”
★02-08-1933 - †26-08-2025

Mayornan:

†Felicio Dominico Faro-Giel
†Rosa Maria Faro-Webb

Na number di su:

Yiunan:

Rita Tromp y famia
Vicente Tromp y famia
Daniel Tromp y famia
Roy Tromp y famia

Rumannan:

†Edita Faro y famia
†Stefanita Faro y famia
†Dominico y Teresita Faro-Lacle y famia
†Mario y †Tomasita Arends-Webb y famia
†Dominico Arends y famia na Hulanda
Pedrito y Jonca Giel-Webb y famia
Vera y †Max Ridderstap-Giel y famia
Mena Giel y famia
Cristina y Jose Alcalá-Giel y famia
Nieto(a)nan y famia, bisancito(a)nan y famia, ihanan, primo(a)nan

Si acaso nos por a lubida di menciona un of otro persona nos disculpa.

Demas famia: Faro, Tromp, Giel, Webb, Lacle, Arends, Ridderstap, Angela, Alcalá, Franken, de Cuba, Maduro

Ta invita primo(a)nan, sobrino(a)nan, amigonan, bisñanan y demas famia pa e acto di condolencia y ceremonia cu lo tuma lugar diasabra 30 di augustus 2025 na Aurora Funeral Home di 9:00 pa 11:00 am, despues lo sigi pa Santana catolico na Noord

Aurora

Royal Pray

Funeral Home & Crematory



Señor ta mi wardador, min tin falta di nada.
Den cunucu di yerba berde e ta pone mi sosega.
E ta hiba mi na awa trankil.
Pa mi bolbe haya forsa
Salmo 23

Cu tristesa den nos curason pero conforme cu bolontad di Dios, nos ta anuncia fayecimento di nos Ruman, Tanta y Prima

Emelina Thiel

Cariñosamente yama Melina of Jin
★ 02 November 1940 – †25 augustus 2025

Na number di su:

Rumanan:

†Ale Koolman y famia
†Luis Geerman y famia
†Reymundo Thiel
†Olindo y Luisa Kock Quant
†Bertha Maduro Thiel
†Camilio Thiel
†Candido Thiel
Mathias y Mina Thiel – Caster y famia
Sr. vdo Simeon Thiel, †Filomena Geerman y famia y Sra. vda Violeta Lampe Croes y famia
Damaso Thiel
Esteban y Greta Thiel-Dirksz

Sobrina y sobrinonan na Aruba, Hulanda, Merca , **primo y primanan**, ihanan y demas Famia: Thiel, Caster, Kock, Maduro, Croes, Klooster, Dirksz, Koolman, Geerman, Fawcett, Gomes, Werleman, Boekhoudt, Perez, Ovalle, Quant

Oportunidad pa condolencia y despedida lo tuma lugar 01 September 2025 di 9.00 pa 11.00 am na Aurora Funeral Home.
Cremashon lo tuma lugar den seno familiar.

Disculpa nos si den nos tristesa nos por a lubida algun familiar, amigo of conocir.



CONDOLENCIA



Staff y Personal di Alhambra Casino (Divisino N.V.)
ta participa fayecimento di:

Rudolf Roland van der Linden

Ruman di nos empleado / colega, Alderico van der Linden

Nos mas sincero condolencia na su yiu nan,
nieto, ruman nan y demas famia.
Hopi forsa den es momento nan dificil aki.

Cu Rudolf mihor conoci como “Dochi” sosega na Paz

Alhambra
CASINO AND SHOPS

Aurora

Royal Pray

Funeral Home & Crematory

"Señor ta mi wardador,
Mi no tin falta di nada;
Den cunucu di yerba berde,
E ta ponemi sosega.
E ta hibami na awa trankil,
Pa mi bolbe haya forsa."
Salmo 23:1,2,3.



Cu profundo dolor na nos curason, pero conforme cu Dios Su boluntad nos ta anuncia fayecimento di nos Mama, Wela, Ruman, Tanta, stima:

Filomena Maria Maduro-Paskel

Mihor conoci como:
"Meme" of "Mechi"
*23-10-1942 - †22-08-2025

Na nomber di su:

Esposo: †Vero Ethelwoldo "Bochi" Maduro

Yiu: Jolina y Rene Hoftijzer – Maduro

Su 2 tesoronan:

Brandon Vero Hoftijzer
Eve Alina Hoftijzer

Rumannan:

Diana "Anichi" y † Herman "Hemmy" Croes-Paskel y famia
† Carlos "Cai" Paskel
Carmen "Chede" y Jossy Croes-Paskel y famia
Maria "Ija" y Adolf "Dufi" Kock-Paskel
Narcisa "Sisi" Paskel y † Richie Gomez
Rita Paskel y famia
Ricarda "Calchi" y Mirto de Kort-Paskel y famia
Aida y Frans Dijkhoff-Paskel y famia

Swanan y Cuñanan:

† Alberto y † Maria Tromp-Colina y famia
† Greta Maduro
† Isidro "Chido" y Reina Maduro-Thomas y famia
Edna Maduro
† Edwina Maduro y famia
Elias "Elio" y Lucia Maduro-Kelly y famia
Edwin Maduro
Jose Antonio "Jossy" y Rosa Maduro-Thomas y famia
Erwin "Mau" Maduro y famia
Astrid Maduro

Su sobrino y sobrinanan, primo y primanan, ihanan, bisñanan, amigo y amiganan, ex coleganan di Joyeria Olga Vasquez.

Su ayudantenan di cas: Marisol y Sirlys

Su dokternan: Dr. Vis y Dr. Garcia

Demas famia na Merca, Hulanda, Curaçao, Canada y Colombia.

Demas famia: Paskel, Maduro, Hoftijzer, Thijsen, Croes, Kock, Rasmijn, de Kort, Dijkhoff, Coffie, van der Linde, de Cuba, Ruiz, Brokke, Kelly, Lacle, Werleman, Henriquez, Tromp, Colina, Thomas, Robert, Hek, Fingal, Vasquez, Goeting, Blume, Rijke, Buckley, Gomez, Boekhoudt, Vrolijk, Arends, Giraldo, Iron Order Steel Knights MC Aruba.

Ta invita pa **acto di condolencia y despedida** cual lo tuma lugar na **Pray Funeral Home**, diamars 2 di September 2025, di 2or pa 4or di atardi.
Cremacion lo tuma lugar despues den seno familiar.

En bes di flor of krans lo tin un box disponibel pa un donacion na Fundacion Alzheimer Aruba.

Nos disculpa si den nos tristesa nos por a lubida di menciona algun familiar.

Nos ta lamenta cu despues di despedida nos no ta ricibi bishita di condolencia na cas.

Aurora

Royal Pray

Funeral Home & Crematory

The LORD is my shepherd, I shall not be in want. he restores my soul. He guides me in paths of righteousness for his name's sake. Even though I walk through the valley of the shadow of death, I will fear no evil, for you are with me; your rod and your staff, they comfort me.
Psalm 23



Clomene Pierre

*July 06, 1960 – †July 27, 2025

Her adoptive daughter:

Ruth Gaëlle Turenne

Her brothers and sisters:

Aslin Gabriel, Berline Gabriel, Mireille Georges, Denise Georges, Hilaire Georges

Her nieces and nephews:

Brudeline Gabriel, Neirlas Gabriel.

Her cousins:

Jésula Gelin, Bénicia Supplice, Dicuna Supplice, Suprême Gelin, Diuevante Supplice, Geleine Gelin, Jean Hilaire Georges, Colé Dessin, Mansaul Clairvil, Tite Soeur Clairvil, Gaby Noël, Thernot Noël, Jiveline Noël, Finie Noël, Rosemène Similhomme, Jean René Similhomme, Sylvie Similhomme, Ysemarie Similhomme, Anivain Casséus, Charité Pierre Louis, Dieumène Joseph, Ronélie Joseph, Renold Joseph, Rigueur Pierre Louis, Assanta Charles, Dernier Charles, Délégue Augustin, Anotte Gelin

And to all her dear friends and colleagues who loved her deeply, especially from Divi & Tamarijn All-Inclusive Hotels, and most of all, her Divi Housekeeping Department, who were not just co-workers but her second family.

The funeral service will be held on

Thursday, August 30th, 2025 at Aurora Funeral Home, from 2:00 PM to 4:00 PM.

Following the service, the family will

proceed with a private cremation.

The farewell service will be held on

Saturday, August 30th, 2025
at Aurora Funeral Home, from 2:00 PM to 4:00 PM.

She will be remembered with love and gratitude by all whose lives she touched.

Aurora

Royal Pray

Funeral Home & Crematory

*Mi Dios, Mi Señor, Mi Salvador
Cu Bo amor infinito tenemi den Bo braza
Ya no tin sufrimento
unicamente Bo Luz briyando*

Cu profundo tristesa na nos curazon, pero conforme cu boluntad di Dios, nos ta partisipa cu a bay drumi den brasa di Senor nos ruman, tanta, cuña, madrina y amiga:



FLAVIA GIRIGORIA RAS

*24 december 1941 - †20 augustus 2025

Su mayornan:

†Bernardus Ras & †Francisca Ras

Rumannan:

†Maria Donata-Ras & †Luis B. Donata
†Max (Chomon) & Olga Maria Ras
†Antonia (Ninita) Dania-Ras & †Simon Dania
†Chida Maduro-Ras & †Tommy Maduro
Annie Ras
Frida Ras
Olivia Croes-Ras & Oswald Croes
†Milo Ras & Mabel Ras-Kock
Helen A. Ras

Sobrino y sobrinanan: †Franklyn Donata, Rhudy Donata, Richard Donata, Judith Wever, Rene Donata, Swinda Winterdaal, Wilfred Ras, Oslin Ras, Mariska Weustink, Enveline Oduber, Erwin Dania, Jeanine Dania, Lisette Tuthill, Eugene Maduro, Xiomara Maduro, Kenneth Luidens, Charlene Croes, Rusette Croes, Jundira Yrausquin, Jamire Ras.

Ta invita primo y primanan, comer y compernan, amigo y conocirnan pa e **acto di entierro** cu lo tuma lugar diabierna 29 di augustus 2025 for di 1 pm - 4 pm na Aurora Funeral Home. Despues lo sali pa su ultimo luga di descanso na Santana Catolico di Paradera.

Lo bay tin un box disponibel pa contribucion pa stichting H.O.P.E.

Nos disculpa cu despues di entierro no por ricibi bishita di condolencia na cas.



FIND US ON
facebook
@bondianoticia
ALSO AVAILABLE ON
X Instagram TikTok

Merca: Tiroteo na scol Catolico na Minneapolis ta resulta den dos mucha morto y 17 hende herida

(AP)—Un perpetrador a los tiro cu rifle diaranson via e bentananan di un misa Catolico na Minneapolis y a ataca casi 200 mucha celebrando misa durante e prome siman di scol, matando dos y heridando 17 persona den un acto di violencia cu hefe policial a yama “Absolutamente incomprendible.”

Arma cu rifle, shotgun y pistol, Robin Westman di 23 aña a acerca banda di e misa y a tira decenas ronda via bentana den direccion di e muchanan sintando den e bankinan durante misa na Annunciation Catholic School net prome cu 8:30 di mainta, segun hefe di polis di Minneapolis Brian O’Hara a bisa den conferencianan di prensa. El a bisa cu e tirador a suicida su mes despues.

E muchanan cu a muri tabatin 8 y 10 aña. Diescuatro otro mucha y tres feligrese octogenariano a keda herida pero ta anticipa cu nan lo sobrevivir, e hefe a bisa. Diaranson anochi, centenares a resa, seca nan lagrima y a tene otro durante un vigilia den gymzaal di un scol den bisindario unda gobernador Tim Walz y Senador Amy Klobuchar, hunto cu clerigo Catolico, a uni cu esnan di luto.

Arsobispo Bernard Hebda a papia tocante e inscripcion dilanti e Annunciation Church cu ta bisa: “Cas di Dios y entrada di shelo.”

“Con por ta cu algo asina terrible por sucede na un luga cu ta e cas di Dios y entrada di shelo?” el a puntra. “E ta incomprendible.”

Polis ta investigando motibo pa tiroteo

Director di FBI Kash Patel a bisa riba X cu e tiroteo ta bao investigacion como un acto di terrorismo domestico y crimen di odio dirigi riba Catoliconan.

O’Hara a bisa cu polis no a haya ningun relacion entre e tirador y e misa, ni por a determina e motibo precirso pa e tiroteo. Sinembargo, mas despues a reporta cu e tirador tabatin un odio “pa casi tur grupo imaginable.” Esaki a ser conclui despues di descubri video y mensahenan cu e tirador a laga atras.



E unico grupo cu Westman no a odia tabata “asesinonan masal,” Thompson a bisa. “En cortu, ta parce cu e tirador tabata odia nos tur.”

Investigadornan a recupera centenares pisa di evidencia for di e misa y tres residencia, segun e hefe di polis. Nan a haya mas mensahe escrito for di e sospechoso, pero ningun arma adicional of un motibo pa e atake riba e misa cu e tirador tabata bay den pasado. Westman tabatin un “fascinacion trastornado” cu asesinatonan masal, O’Hara a bisa.

Imagen di camara di seguridad a captura e atake y a mostra cu Westman nunca a drenta e misa y no por a mira e muchanan mientras e tabata los tiro via bentana, e hefe a bisa. “E crueldad y cobardia di tira den un misa yena cu mucha ta absolutamente incomprendible,” segun O’Hara, ken a bisa cu muchanan heridanan tabatin entre 6 pa 15 aña. El a bisa cu a pone un pida palo pa blokea algun di e portanan na banda, y cu autoridadnan a haya un bom di huma na e sitio.

Riba un canal di YouTube titulo Robin W, e supuesto tirador a publica al menos dos video prome cu e administrador di e website a kita e canal diaranson. Den un video, e sospechoso a mostra un cache di arma y municion, algun cu frasenan manera “mata Donald Trump” y “Unda bo Dios ta?” skirbi riba nan.

Un otro video a mustre apuntando na dos bentana den loke ta parce un pintura di e misa, cual el a staca cu cuchiu despues. No ta cla ki ora e video ey a ser publica riba e canal.

Omo di Westman, ex-legislador estatal di Kentucky Bob Heleringer, a bisa cu e no ta-

bata conoce e acusado bon y a keda den shock pa e “tragedia unimaginable.”

O’Hara a bisa cu Westman no tabatin un historia criminal conoci y ta sospecha cu el a actua su so. Oficialnan federal a referi na Westman como transgenero, y alcalde di Minneapolis Jacob Frey a critica odio dirigi riba “nos comunidad transgenero.” E identidad genero di Westman no tabata cla.

Na 2020, un hues a aproba un peticion, firma pa mama di Westman, puntrando pa un cambio di nomber for di Robert pa Robin, bisando cu e aplicante “ta identifica como femenino y kier cambia su nomber pa refleha e identificacion ey.”

Gobernador Walz a lamenta cu muchanan cu apenas a cuminsa nan aña escolar “a enfrenta maldad y horror y morto.” E y presidente Donald Trump a duna orden pa baha bandera mitar caminda



riba edificionan federal y estatal, y e Cas Blanco a bisa cu e dos politico a papia cu otro. E gobernador tabata e nominado vice presidencial Democractico den e eleccion di aña pasa contra Trump su compañero electoral, awor vice presidente JD Vance, un Republicano.

For di e Vaticano, Papa Leo XIV a manda un telegram cu condolencia. Naci na Chicago, e prome papa Mericano den historia, a bisa cu e tabata resando pa famia di esnan fayecido.

Un serie di tiroteo fatal na Minneapolis

Dialuna tabata e prome dia e aña escolar na Annunciation, un scol di 102 aña den un barrio residencial y comercial casi 5 kilometer sur di e centro di Minneapolis.

Karin Cebulla, ken a bisa cu el a traha como un especialista di enseñansa na Annunciation y a manda su dos yiu muher eyan, ken awor ta na

universidad, a describi e scol como un comunidad cariñoso y cu ta acepta hende. “Tur hende ta sinti sigur eyan, y mi ta djis resa cu e lo sigui ta un luga unda hende por sinti nan mes sigur,” el a bisa.

E tiroteo aki tabata esun mas recien den un serie di tiroteo fatal den e ciudad mas pobla di Minnesota den menos cu 24 ora. Un persona a ser asesina y seis otro a keda herida den un tiroteo diamars atardi. Algun ora despues, dos hende e muri den dos otro tiroteo den e ciudad.

O’Hara a bisa cu e tiroteo na Annunciation no ta parce di ta relacion cu e violencia recien. Hunto cu hopi ciudadnan grandi den Merca, crimen violento na Minneapolis a reduci desde e pandemia di COVID-19, basa riba data for di e AH Dataalytics y su Real-Time Crime Index, cual ta rastrea crimen den e pais usando data di cuerponan policial.



Un atake grandi di drone y misil Ruso riba Kyiv ta mata por lo menos 21 persona

(AP) — Rusia a lansa un atake aereo grandi riba Kyiv diahuebs tempran cu a inclui un atake incomun na e centro di e capital di Ucrania, matando por lo menos 21 persona, heridando 48 y destruyendo oficinanan diplomatico di Union Europeo, segun autoridad.

E bombardeo di drone y misil tabata e prome atake grandi Ruso riba Kyiv den e ultimo simannan mientras esfuersonan di pazpaz dirigi pa Merca pa termina e guerra di tres aña tabata lucha pa haya sosten. Gran Britania a bisa cu e atake a sabotia esfuersonan di paz, mientras e diplomatico mas halto di EU Kaja Kallas a yama e enviado di Rusia na EU pa Brussels tocante e atakenan cu a destrui oficinanan di EU.

E Consejo di Seguridad di UN a programa un reunion di emergencia riba atakenan aereo en contra di Ucrania diabierna atardi na peticion di Ucrania y e 5 miembro Europeo di consejo — Gran Britania, Francia, Slovenia, Dinamarca y Grecia. Dos di e envidonnan mas halto di Ucrania tabata programa pa reuni diabierna cu e administracion di Trump tocante mediacion.

E Kremlin a bisa cu Rusia a keda interesa den continua negociacion di paz a pesar di e atake aereo diahuebs, cu tabata un di e mas grandi di e guerra desde cu el a cuminsa na 2022.

Entre e mortonan tabatin 4 mucha entre 2 y 17 aña, Tymur Tkachenko a bisa, e cabes di administracion di ci-



udad di Kyiv. El a bisa cu mas hende por ta bao di e escombros ainda, y esfuersonan di buskeda y rescate a continua diahuebs anochi.

Tambe diahuebs, e administracion di Trump a aproba un benta di arma na Ucrania di \$825 milyon cu lo inclui mi-

sil di distancia largo y equipo relaciona pa aumenta su capacidad defensivo mientras esfuersonan di Merca pa sirbi di intermediario entre Ucrania y Rusia ta parece a keda stanca. E Departamento di Estado a bisa cu Ucrania lo usa financiamiento for di e aliadonan di NATO Dinamarca, Hulanda y Norway riba e financiamiento militar di Merca pa paga e equipo.

Atake raro na centro di Kyiv

E atake tabata un di e pocos cu drone y misil Ruso a penetra e curason di Kyiv desde cu e invasion total a cuminsa.

E Forza Aereo di Ucrania a bisa cu Rusia a lansa 598 drone di atake y 31 misil di diferente tipo den e pais tempran diahuebs, grandimayoria di nan cu a dal blanconan na Kyiv.

Por lo menos 33 sitio rond di tur 10 distrito di e ciudad a ser afecta directamente of destrui, Tkachenko a bisa. Miles di bentana a kibra manera casi 100 edificio a ser destrui, incluyendo un centro comercial den e centro di ciudad.

Rusia ta bisa cu nan a ataca un 'zona militar-industrial'

E Ministerio di Defensa di Rusia a bisa cu nan a ehecuta un atake contra e base aereo militar y companianan "den e zona militar-industrial di Ucrania" usando arma di dis-

tancia largo, incluyendo misil Kinzhal.

"Tur obheto designa a ser golpia," e ministerio a bisa den un declaracion.

Ucrania a aumenta produccion di arma domestico pa lucha e invasion di Rusia. Hopi fabrica di arma ta opera den scondi, cu algun integra den areanan civil cu defensa aereo superior. Atake indiscriminatorio Ruso alegando pa ataca e industria di defensa di Ucrania a mata hopi ciudadano.

E Ministerio di Defensa di Rusia tambe a bisa cu nan a tira abou 102 drone Ucrainiano durante anochi, mayoria den e surdeste di e pais. Un atake di drone a causa un candela na e refineria di petroleo Afipsky den e region di Krasnodar, segun funcionarionan local, mientras un di dos candela a ser reporta na e refineria Novokuibyshevsk den e region Samara. Dronenan Ucrainiano a golpia repetidamente refineria y otro infrastructuranan di petroleo den e ultimo simannan den un intento pa debilita e economia di guerra di Rusia, causando stacion di gasolin na algun region Ruso keda bashi y prijs pa aumenta. E operador di railway nacional di Ucrania, Ukrzaliznytsia, a reporta daño na su infrastructura den e regionnan Vinnytsia y Kyiv, causando atraso y causando trein pa usa rutan alternativo.

The Birdie
CLUB HOUSE RESTAURANT

Golden Hour

By The Lighthouse

TIERRA DEL SOL
"IBEROSTAR" GOLF COURSE

Live entertainment with Marisela

Every Saturday
5:30PM - 7:30PM | 50% Happy Hour

25% Local Discount on The Birdie Menu

Reservations: +297 699 - 9317

FIND US ON



@bon.dia.aruba

ALSO AVAILABLE ON

f i t g